

1 KORINTIYA

Warage Codoi o Ayeedek Pól Ol o Abaak Kutur o Kazi Korintiya

1 ¹ Aneeta Pól o eŋerawan Jooi niini doon kizi toonnyai ci Yesu Kiristo. ² Aneeta been Sosenis ween gótóna ona tuwenta kayeedekun warage nico igeet bor o Joowo abaaku Korintiya o. Eŋerawun Jooi igeet iziti ol cigin abon giye o oromtozoku niiga Yesu Kiristo. Igeet kibeem buk ol o loocu dook o eŋeryai, ma adiŋdijan buk niigi Manyi ona Yesu Kiristo ween Manyi uneen, ma een Manyi onai. ³ Abon bai Jooi ween baatina been Manyi ona Yesu Kiristo anyun deten been ganon.

Aku mayuwenet ŋaaten Kiristo

⁴ Goon tup nokó kanyi Jook zany ŋaaten igeet, eeci anyun niini igeet deten onin ŋaaten Yesu Kiristo. ⁵ Mazi ŋaaten nóno izitu niiga arók golowe dook, ɔɔɔt ricik anyun niini igeet genyiz ween didi been dɔyiz ci azoozu zɔɔz onin jurun. ⁶ Uzuutu didi niiga zinzeetine ugooc zozok o akati Yesu Kiristo. ⁷ Zin giye nico anyaktu niiga mayuwenet dook o anyek Jooi ol ogin. ŋinti ŋaan rak areyu badaan o Manyi Yesu Kiristo o, anyaku mayuwenet nico nokó. ⁸ Jook neen o anyun igeet odoyit tuwenta nokó zee ma ako adicai lóci imin, ka zin iitene ci abadaan Yesu e, ka kókoma gi ci apayekun Jooi igeet gerzitin. ⁹ Ma uduwa Jooi zɔɔz cin, alaŋ bodo owo been neen. Nóno zin neen o eŋerawun igeet iziti laŋoten kibeem ŋeerin Yesu Kiristo ween Manyi onai.

Zɔɔz ci akati ŋerɔn bore o Joowo

¹⁰ Dól o yaai tuwenta, kilalekun igeet zaare o Manyi onai Yesu Kiristo ka iziiktó niiga dook zɔɔz calaŋ aŋeryu eleeti. Abon goon adowinun igeet dook baabani, ma aziiknonu niiga dook gole codoi. ¹¹ Kaduwakun gi nico o, eeci aduwakan atenowa ci ŋaa o kazi Kalo zɔɔz ci ayowonu. ¹² Kazii azi goon ol ceegi ne, “Kanuya naaga zɔɔz o Pól.” Azi ol ogen ne, “Kanuya naaga zɔɔz o Apolos.” Azi ol ogen ne, “Kanuya naaga zɔɔz o Pitɔr.” Azi ogene ne, “Kanuya naaga zɔɔz o Kiristo.” ¹³ Zin gole nico alaŋ abon ŋaati aŋeryu Kiristo. Alaŋ een aneet Pól neen o kadaai keete ween talakec ka keelawun igeet. Alaŋ onyenu zaare cigan.

¹⁴ Kanaati Jook, eeci ŋaan kotoony eet oma ŋaatonoon, bar olla waanice kuuny eet o kazi Karispas been Gayus doon. ¹⁵ Akóm zin eet ci ka kizi ne, “Uunyan baale aneeta Pól zaare ogin.” ¹⁶ Kaada bodo baale kuuny eet o kazi Istavanas kibeem ol o korók onin. Ol zin ci kaga naana dook neen. Alaŋ kaga mā da anyak bodo ol oogi. ¹⁷ Alaŋ laadun itoonanan Yesu Kiristo aneet ka kiiya kotoony ol, bar itoonanan niini aneet ka kiiya kuuwak kaviyak o Joowo abon. Alaŋ ka kɔzɔz naana genyize ci ɔɔ can doon, bar ka kaduwa zɔɔz onin, ka kagaac ol dook daayizi o Yesu Kiristo keete ween talakec anyak dɔyiz.

Kiristo niini genyiz, ma een dɔyiz o Joowo

¹⁸ Ma ol o alaŋ atuwe, ma okolozte kɔɔt many gole o Joowo anyek niigi kaviyak o daayiz o Yesu keete ween talakec kizi gi ci labak. Maje ŋaaten ageet o eelawet Jooi, kaga naaga nici dɔyiz o Joowo neen. ¹⁹ Azi Jooi waragewe onin ne, “Kuulal waanma genyiz ci ol o ageny. Ma kanyi genyiz ci ol o adoi ooti kizi gi ci labak.” ²⁰ Zin giye nico ol o ageny izi genyizi uneen gi ci labak. Ma ol o ademez waragenya ɔɔɔt, izi demziin cineen o gi ci labak. Ma ol o aganek daŋon ci adaŋon kibeem ol kaale o loocu, izi daŋon uneen gi ci labak.

²¹ Zin Jooi genyize onin adikir ɔɔɔt, alaŋ anyek niini ol ci deer o kojokta nóno genyize cineen doon. Agoon niini nokó o ka keela ol o atu nóno kaviyawe ci celbez kuuwaka naaga noko, mayo nuun acin ol ogen kizik bar kaviyawa nici kaal ci labak o. ²² Goon ol o Juz arɔŋ niigi kicinit kaal ci ateet nɔgɔ biye ka kagaac didi kaviyawa nici avu Joowa. Maje ol ween moden arican niigi genyiz o loocu, ma arɔŋ niigi kagaac Jook genyize cineen doon. ²³ Ma zin naaga kaduwaka ol kaviyak o adaakni Yesu Kiristo keete ween talakec. Maje ol o Juz abor kaviyak nicoko, ma apez buk ol ween moden kaviyak nicoko kizi kaal ci labak. ²⁴ Bar zin ŋaaten ol o aŋera Jooi nɔgɔ kizi ol cigin ole o Juz karabon een modeni, ayeza Kiristo kaviyawe nicoko dɔyiz o Joowo kibeem genyiz onin. ²⁵ Ma kaala o acin ol kizik bar agoon Jooi aliyakzeta, bar aliyakzet nici titiny ɔɔɔt kujuk genyiz o ol o deer. Maje linlinonni o Joowo o apez ol ogen anyek kizi gi ci labak, anyak bar dɔyiz ci appe ɔɔɔt kujuk dɔyiz ci ol o deer.

²⁶ Dól o yaai, aada di aavuzit unoon baal aavtiyu ŋaan kotowawun Jooi e. Ma baabaninte ci ol o deer akóm waanice ŋaatonoon ol ci meel anyak genyiz kaale o loocu. Ma buk akóm ŋaatonoon ol ci meel anyak dɔyiz, karabon een alaazet o loocu. ²⁷ Aŋera zin Jooi loror nokó ol o anyek gɔnɔgja loota ŋina kizi kaal ci labak. Agoon niini nokó o ka kanyek alyaan ol o agoon niigi eleeti kizi ol ci ageny. Aŋera buk niini ol o apez gɔnɔgja loota ŋina kizik ronŋenen ka kanyek alyaan ol o abaaban niigi kizik anyak dɔyiz.

²⁸ Aŋera niini ol o aba gɔnɔgja o loocu, ma apez kizi kaal ci labak. Agoon niini nokó o ka kuulal kaal o acin ol loota ŋina bar kizik titinye. ²⁹ Zin giye nico akóm eet ci ka kɔɔŋ ele ŋume o Joowo. ³⁰ Eeci Jook neen o anyawun igeet ivita oromte been Yesu Kiristo. Ma een nóno ele neen o anyek Kiristo kizi genyiz cinai. Ma ŋaaten Yesu Kiristo agamawet Jooi ageet, ma anyet kiziti ol cigin abon ŋume onin. Ma ɔɔgawet niini ageet oŋene. ³¹ Kiyó ayeedi waragewe o Joowo gi ci azi ne, “Mā arɔŋ eeti kɔbɔlɔl, abon abɔlɔl niini giye o agoonek Jooi nóno.”

2 ¹ Dól o yaai tuwenta, iitene baal kakunakun igeet ka kiiya kuduwakun zɔɔz o Joowo een didi baal rak aroodi, ma iya eyelizayet Jooi ageet e, alaŋ waanice kaduwakun igeet zozok niceke giye ci kaganeké naana zɔɔz karabon een genyize can doon. ² Bar iitene ci baal karomen neke, kotoŋa naana kaal dook, ma kabaaban zɔɔz o akati Yesu Kiristo doon, ricik ɔɔɔt daayiz onin adaakni keete ween talakec. ³ Zin iinyaye niceke alaŋ kakunakun dɔyiza, bar waanice kanyei noliin ci appe, ma kabariti ɔɔɔt. ⁴ Ma demziin onan kibeem uwayi o kuuwawekun kaviyak o Joowo, alaŋ kaduwa zɔɔz ganiinta, karabon een genyize ci eet ci deer, bar waanice olla kazɔz naana Vɔŋize o Joowo. Ma gi nici ayelzakun igeet dɔyiz o Joowo. ⁵ Zin tuwen unoon alaŋ anyaa genyizi ci eet ci deer, bar anyaa dɔyizi o Joowo.

Zɔɔz ci akati genyiz o Joowo

⁶ Ma ol o agaac zɔɔz o Joowo, aga niigi uwayi cinayan o akati genyiz ween didi. Ma genyizi nici alaŋ een ci looc nico, ma buk alaŋ een genyiz ci alaat o anyak dɔyiz ci abali looc nico, eeci dɔyizi cineen anyak noko katin aŋorneke. ⁷ Ma genyizi ci kuuwaka naaga noko, genyiz o Joowo baal rak aroodi, ma ŋaan kagaac ol o deer e neen. Bar zin baale laadun maŋaan keteenyai lóci e,

abaabana Jooi gól nico ka kanyaawet niini ageet kivita kozolit kibeena nōōō titinyon onin. ⁸ Bar zin alaata o loocu dook ŋaan kagaac genyiz nico. Baal da kagaac, alaŋ waan adōōō niigi Yesu Kiristo ween Manyi o titinyon nico. ⁹ Bar zin azi warage o Joowo ne, “Ma gi o ŋaan laadun akōm eet ci icinun, ma akōm eet ci iziiwun, ma akōm buk eet ci olla nuun abaaban gól ci ka katin kiitai, gi nici gi bar o adimdimanek Jooi ol o areez nōōōō neen.” ¹⁰ Inoko zin ageet neen o iiya eyeleyet Jooi gi nico Vōŋize onin. Aga Vōŋizi o Joowo kaal dook, mayo nuun een gi ci arōōō Jooi ziniza eecito, aga niini nōōō. ¹¹ Akōm eet ci aga baabani ci anyak gōn oman zinize cin, bar zin ziniz onin doon neen o aga baabani onin. Buk zin gole nico akōm eet ci aga baabani ci Joowo, bar Vōŋiz onin doon neen o aga baabani onin. ¹² Alaŋ zin kanyak naaga zinzeetine ogaac baabani o loocu, bar areket Jooi ageet zinzeeti ogaac Vōŋiz onin ka kagaac naaga kaal o anyet niini ageet dook.

¹³ Alaŋ zin kazooza naaga genyize ci ol o deer, bar Vōŋiz o Joowo neen o anyet ageeta genyiz ci ka koobteka zōōō ween didi ol o anyak Vōŋiz o Joowo zinzeetine ugeec. ¹⁴ Ma eeti calaŋ anyak Vōŋiz o Joowo zinize onin, alaŋ ajowa niini kaal o anyek Vōŋizi o Joowo ol o atuwe. Ma alaŋ buk arōōō niini kaal nicoko, bar apez anyek kizi kaal ci labak, eeci Vōŋiz o Joowo neen o anyek ol kagaac kaal nicoko. ¹⁵ Maje eeti ci anyak Vōŋiz o Joowo zinize onin, aga niini keŋti ci kaal dook, ma akōm eet oma ci ka kapayek nōōōō gerzitin kaale nicoko. ¹⁶ Azi warage o Joowo ne, “Ŋeneen ci aga baabani o Joowo? Ŋeneen ci anim kitilo nōōōō?” Bar zin naaga kaga baabani o Kiristo.

Gabara o Joowo

3 ¹ Dōl o yaai, iitene baal karomen ki igeet e, alaŋ waanice naana kanim kedemezūŋ igeet gole o gōōn kademzi ol o anyak Vōŋiz o Joowo zinzeetine ugeec. Bar kademezūŋ waanice igeet kiyo ol o loocu o, eeci ŋaan eelnu niiga kiyo dōlya o miliny ter o baayize ci ol o tuwento. ² Waanice kademezūŋ igeet zoōōō ween didi gole ci aboyin kiyo gōōn iirana ŋaati kaami o. Alaŋ kademezūŋ gole ci adōi kiyo gōōn amē ŋaati kacomi o, eeci ŋaan eeltek niiga zoōōō ci adōi. Mayo nuun een iitene nico o eŋe, ŋaan niiga eeltek zoōōō ci adōi nōōō. ³ Ŋaan zin abaaku niiga baayiz o ol o loocu, eeci ŋaan amadkonu niiga maany, ma ŋaan buk ayowonu niiga maany nōōō. Ma gole nico adowinu niiga kibeena ol o loocu ŋina nōōō. Ŋaan abaaku buk niiga kiyo abaak niigi o. ⁴ Mā azi eeti codoi ŋaatunooŋ ne, “Kano naana zōōō o Pōl”, ma azi bodo oman ne, “Kano naana zōōō o Apolos”, zōōō nici alaŋ ayselza gi o ŋaan eeginu niiga ol ci loocu?

⁵ Mayo inoko mā kabaaban juruŋ, Apolos niini ŋeneen? Ma buk Pōl niini ŋeneen? Naaga dook ramantiya olla keegina gabara ci labak, ma itoonanet Jooi ka kivita kanycuŋ igeet utuweec Kiristo. Gōōn eeti ce ŋaatinaaŋ aliŋliŋ liŋliŋon o anyek Manyi nōōōō kilinliŋ. ⁶ Ma naaga waanice keelna kiyo ol o gōōn aliŋliŋ mana o. Kabil naana kiyo eeti o adowe o. Maje Apolos abil niini kiyo eeti o azaacek mana maam o. Bar zin Jook neen o anyek dōwen nicoko kudunta. ⁷ Ma liŋliŋoni ci eet ci adowe o been liŋliŋon ci eet ci azaacek mana maam o, akōm nōōōō titinyon cineeŋ kina. Bar zin liŋliŋon o Joowo neen ci titiny arōōō o, eeci anyek niini dōwo kudunta. ⁸ Mazin eeti ci adowe o kibeena gōn ci acidek mana maam o, atobō liŋliŋonti cineeŋ o Joowa nōōō. Anyek zin waanma Jooi gōōn eet co kaal ci agano kibeena liŋliŋon onin. ⁹ Zin naaga kaliŋliŋnya liŋliŋon codoi ŋor nōōō, ma kaliŋliŋoneka naaga dook Jook. Igeet zin neen o eeginu mana o Joowo.

Buk niiga eelnu kiyo ceez o eenyca Jooi o. ¹⁰ Anyan zin Jooi aneet ci kaliŋliŋe kiyo eeti o gōōn eenyet ceez o, olla zin naana kabil kiyo eeti o aruwec ceez looc gole ci abon kōōōō kak, ma aku eenyet ceez nico eeti oman o. Abon zin gōōn eeti ce ageny ŋaati eenyine. ¹¹ Eeci anyek Jooi Yesu Kiristo kizi kitiir ci ceezu, ma akōm bodo kitiir oma ci abil kiyo niini o. ¹² Eenyet gōōn ol ogen ceezi biyene, karabōŋ alinatan warkine. Aje ol ogen agumut ceezi artene, karabōŋ eenyet keeni doon. ¹³ Zin iitene ci abadaan Yesu e, ayselzai tiŋeere liŋliŋonowa o ol dook, mā abona, karabōŋ gerze, eeci iitene nice acina Yesu gōōn eet co liŋliŋon onin gooya.

¹⁴ Mā alaŋ atoozi kaala ci eenyine ceez o, aruwonek eet ci eenyet ceez nico o vōyita. ¹⁵ Bar mazi atoozi kaala ci eenyine ceez o, eeti ci eenyet ceez nico o akōm vōyit ci ajowa. Maje niini alya ajowa roget gole ci abil kiyo eeti o atogan goo ŋaati atoozene ceez o.

¹⁶ Agayu nōōō eeginu niiga ceez ci Joowo, ma abaak Vōŋizi o Joowo zinzeetine ugooc o. ¹⁷ Mazin eeti ci uulal ceez ci Joowo o, uulal buk Jooi nōōōō nōōō, eeci ceez ci Joowo o akōm gerzitin. Igeet zin eŋe neen ci eeginu ceez cin o.

¹⁸ Má alabanu zin eleeti. Mā abaaban eeti oman ŋaatunooŋ gi ci kizik bar agenyi niini kaale o loocu ŋina, gerze. Abon bar anyek eeti ele kizi tarbal ka kojowa niini genyiz ween didi. ¹⁹ Eeci kaala o anyek ol loota ŋina kizi genyiz, bar tarbalzet gi ŋume o Joowo. Aleema didi warage o Joowo zōōō o azi ne, “Adet Jooi ol o anyek eleeti kegenyit genyize uneeŋ.” ²⁰ Ma azi bodo warage o Joowo ne, “Aga Jooi baabaninowa ci ol o ageny niigi kaal ci labak.” ²¹ Akōm zin ŋaatunooŋ eet ci ka kōōōōl ŋaati anowi niini zōōō ci eet ci deer. Bar agaac niiga kaala dook kaal cugooc. ²² Naana Pōl, ki Apolos, been Pitōr keegina naaga dook gabara ci kaliŋliŋonekuŋ igeet. Ma lōōōi kibeena kaal o anyak dook cugooc. Ma rogeti been daayiz cugooc. Buk kaal ci inoko o been ci katin e dook kaal cugooc. ²³ Abaluŋ zin Kiristo igeet, ma abal Jooi Kiristo.

Zōōō ci akati toonnyak o Kiristo

4 ¹ Abon agayu niiga dook keegina naaga gabara ci Yesu Kiristo. Anyet Jooi ageeta zōōō onin een didi baal laadun ŋaan keyelizyae e ka kuuwakteya naaga ol. ² Gi zin ci adiŋdiŋ arōōō eete ci aliŋliŋ neen ci abon agōōni niini liŋliŋon o anyononek nōōōō juruŋ. ³ Alaŋ naana kari ziniz gi ci apayekaŋ niiga aneet gerzitin, karabōŋ een bonat. Yo nuun apayekan ol ogen aneet gi nico, abon labak. Maje naana alye can o akōm gi ci ka kapayek eŋe maany. ⁴ Akōm naana zinize can o gi ci ger kagawe eŋe. Alaŋ zin bar kazi ne, Kabona, eeci alaŋ naana kapai eŋe maany. Jook doon o apakan aneet. ⁵ Alaŋ zin abon ŋaati apaku niiga ol oogi, bar anycek nōōōō kereec iiten o payiinto. Iitene ci abadaan Manyi e, ŋaan aku ayselza niini kaal o inoko aroodi muura, ma alaŋ ayselzai. Ma buk ŋaan aku ayselza niini baabaninok o eeto. Ŋaan zin iitene nice ajowa eeti Joowa naatinet ci agano ki baayiz onin.

⁶ Dōl o yaai, kazooz naana zōōō ci akati ele onan been Apolos o, eeci karoōŋnyuŋ igeet agaac keŋti ci zoōōō ci kaduwa o juruŋ. Kiyo azi zōōō ŋaaman ne, “Abon anuyu lotinok o ayeedi.” Alaŋ agano ŋaati adōŋnyu eleeti eete codoi, ma apezu eet oma. ⁷ Kaal ci anyaku niiga noko dook anyuŋ Jooi. Gitaz zin ci ka kidiŋdiŋani eeti eŋe kujuk gōōōgi koogi o? Zin giye o anyuŋ Jooi kaal dook, alaŋ abon waan ŋaati abololu niiga kaal ci anyuŋ Jooi niini doon o kiyo bar ajowanu niiga dōyize cunooŋ doon o. ⁸ Anyeku eleeti iziti ol ci anyaku kaal o arōōō ol dook? Abaabanu niiga kizik bar eeginu arōōō? Anyeku eleeti iziti alaŋ niiga doon, mayo nuun ŋaan rak kiziti naaga alaŋ o? Inoko te iziti alaŋ didi, abon waan, ka zin buk koca kiziti naaga dook alaŋ kibeena igeet buk. ⁹ Bar zin ŋaatan kizik aŋeranet Jooi ageeta ci keegina toonnyak o, ka kizita vurut ci ol dook. Katobona naaga kibeena ol o gōōn apawozek nōōōō daayizi o. Keelna naaga ŋina kiyo ol o gōōn aruk ol nōōōō kadaayito kōle kōrgena ŋaati aŋaamneke toonnyawa o Joowo been ol o loocu dook o. ¹⁰ Keelna naaga ŋina kiyo ol o tarbalik o giye ci akati Kiristo. Bar zin niiga inoko egenyicu giye o oromtozeku

Kiristo. Keegina naaga ronngenen, maje niiga adonnu. Apezet ol ageeta, bar atitinyun niigi igeeta. ¹¹ Goon tup noko kawoya naaga magizet, ma kawoya korzet, ma kamalika rumané ci zorzor, yo nuun een inoko ele o. Aruket goon ol ageeta, ma akomnet buk ageeta viten ci ka kabaakta. ¹² Kalinjiny naaga oroot ele azeene ogaacak maany. Goon ma atoryet ol ageeta, bar kamayuka naaga noogo. Ma agitet ol ageeta, kameza naaga giden zinzeetine ci alal labak. ¹³ Ma amomozet ol ageeta, bar kabarzeka naaga noogo zoozok ci amadi. Acinet goon ol ageeta kiyo kaal ween taa ajukonek tuu o. Keelna naaga naatineen kiyo ririnya o, yo nuun een inoko ele o.

¹⁴ Kayeedekun zin zoozok nicoko o alaj ka kanyun alyaan. Bar karoon kitilowun igeet, eeci eeginu niiga dol ogan kareezun neen. ¹⁵ Eeci yo nuun meele ol ci ademezun igeet demziin o akati Yesu Kiristo o, anyaku niiga baatunoon codoi for noko. Aneeta zin neen o kize baatunoon zaare o Yesu Kiristo giye baal kanyaaku naana igeet kaviyak o Joowo abon e. ¹⁶ Zin giye nico kilalekun igeet ka ayayiztan aneet baayize unoon. ¹⁷ Ma buk giye nico kitoonekun igeet Timozi ween neeran o kareez giye o azooni niini zooz o Manyi jurun, ka kook kaadayun igeet baayiz onan kabaaye zaare o Yesu Kiristo. Baayiz zin nico neen o goon kademzei naana ol o tuwento loocowe dook.

¹⁸ Ol ogen naatunoon adon eleeti. Karabon abaaban niigi kizik bar alajaan bodo kakunaku igeet. ¹⁹ Inoko zin ma akolakan Jooi gol ci kakeye naatunoon, kayiyaku oca kataman ka di kook kicin dayiz cineen adon eleeti o naana alya, ma een dayiz ceen didi, karabon bar olla azooz niigi utugetine doon. ²⁰ Eeci baliin o Joowo alaj een zooz ci otogu doon, bar ayelzai baliin onine ola kaale o agoon niigi dayize onin. ²¹ Yo inoko aroonnyu jan? Aroonnyan kiya kegernyeyun varaczeta, yo aroonnyan da kiyyayun zinze ci alal ka kiya keyelezayun gi o kareezun naana igeet?

Zooz ci akati waan ole o tuwento

5 ¹ Kazii zooz ci azi ol ne, Anyak ol oogi naatunoon ci agoon waan ci ger oroot ele. Waan ci yo nuun een ol o loocu alaj anim kutuguzo. Azi ol ne, Goon eeti naatunoon oogin kibeen nyigari yaatin. ² Ma abil didi gi nici to, alaj agano naati abololu, bar waan abon aluyu onene nicoko oroot. Ma abon waan atooku eet ci ajilze noko kedeyai naatunoon. ³ Mayo nuun kadeyai naana naatunoon o, zinze cane o kibeen baabani aromenu kibeen igeet njinaante. Bar zin kapawa naana zooz nico zaare o Manyi Yesu kaavu reena noko kiyo bar karome kibeen igeet naatodoi o. ⁴ Ma alotenu niiga naatodoi, aavi baabani onane naatunoon njinaante. Abon zin apayeku eet nico gerzitin dayize o Manyi Yesu. ⁵ Anycek noono aziit o Loryento ka kook kuulal Loryen noono ele cin o doon, maje vonjizi onine ka keelyai katin itene ci abadaan Yesu e.

⁶ Alaj zin abon naati abololu. Agayu niiga olit o goon azi ol ne, “Nyigita ci nyaanu miliny ter anyek nyaan dook ketede.” ⁷ Abon zin aaranu onec o atobo ki nyigit o nyaanu kiziito naatunoon. Ka obonta niiga dook jurun ka abaayit baayiz ci abon eonoon laadun, eeci naaga o katuwe kanyayit zinzeeti ci vonj giye o adaanji Yesu naatinai. Abil niini kiyo nyoon o anyek ol kizi todoyoi ci vardaanto o. ⁸ Abon zin kadeyai naaga onene kibeen kaale o ger atobo ki nyigit o nyaanu, gerze naan adalanet ageet dook. Kizimta naaga eleeti kutuguz kaal ci abon een didi.

⁹ Iiten baale rak waragewe baal kayeedekun e kanekun ne, “Ma acanonu kibeen ol o agoon waan.” ¹⁰ Ma zooz nica alaj akati ol o loocu agoon zoocmazit, ma appinte zinzeeti, ma agorze, ma adiindjan joowane o adilyai. Anyak ol calaj atuwe meel loocok dook, ma akom gol ci anjeranu niiga eleeti naatineen. ¹¹ Bar zin kaduwaku waanice igeet gi calaj abon acanonu niiga kibeen ol o anyek eleeti kizi ol ci ano Yesu, maje naato agoon waan, ma appinte zinzeeti, ma adiindjan joowane o adilyai, ma adom ol, ma abaaki, ma agorze. Edeyai niiga eete ci abil noko, ma alaj buk abon naati azolonu niiga ki noono. ^{12–13} Akomnan zin aneet gi ci ka kapayi ol o alaj atuwe. Naan apak noogo Jooi doon. Maje niiga o atuwenu abon aaranu ol o onenu aromenu kibeen igeet, eo ane warage o Joowo ne, “Aarta eet o ger naatunoon.”

Zooz ci akati rooni

6 ¹ Ma anyak naatunoon eet ci abornek gon oma non, abon akoyi niini gon nico rooni ole o atu Jook, eeci alaj agano ol o tuwento naati avo apayi noogo ol o alaj atuwe kiyo agoonu niiga o. ² Alaj agayu niiga katin ol o Joowo apak ol o loocu dook o? Mazi ka katin apayit niiga ol o loocu, akomnekun zin zoozowa ci miliny ter labak noko ku? ³ Alaj agayu niiga katin naaga o katuwe kavo kapak toonnyak o Joowo o? Mazi ka katin kapayit toonnyak o Joowo, abon zin kanim naaga kapayit kaalyan ci miliny kagoon looce nico o labak. ⁴ Ma anyaku gi ci adanonu, ma avoyu ole o alaj atuwe, eeci akom noogo njintineen ole o Joowo. ⁵ Ma avoyu gotonogu oogi rooni ole o alaj atuwe, anyaku koca eleeti alyaan. Eeci yo nuun alaj agenyu niiga dook, akom naatunoon eet codoi for noko ci ageny, ma anim kapak danon ci adanonu o? ⁶ Alaj zin agano eeti ci atuwe naati akoyi gon ci atuwe rooni ka kook kapayit noogo ol calaj atuwe.

⁷ Yowon ci ayowonu niiga maany noko ayelza gi ci alajaan niiga abaaku baayiz o aron Jooi. Abona waan naati amezu kaal ci ger agoonekun gonogu o labak calaj avoyu noogo rooni. Ma anyak kaal cugoocok avoyi niigi, maya waan uunnu noogo labak kujuk naati akolaku noogo rooni. ⁸ Bar bodo niiga alya maany agoononu kaal ci ger, ma adawonu looc, mayo nuun eeginu niiga dook ol o tuwento o. ^{9–10} Nedet agayu niiga noko ol o agoon kaal o ger alaj arum baliin o Joowo. Ma alabanu zin eleeti. Ol o alaj arum baliin o Joowo neen o agoon waan, ki ol o adiindjan joowane o adilyai, ki ol o adoma zoocmazit, ki ol o mac anyek eleeti kiziti naai, ki ol o agorze, ki ol o appintik zinzeeti kaale culu, ki ol o abaaki, ki ol o akat gonogi volona, been ol o adayi gonogi looc. ¹¹ Inoko naatunoon ele anyak ol ci goon baale agoon kaal nicoko. Bar zin otoonyawun Jooi onai igeet onje niceke. Ma enjerawun niini igeet iziti ol cigin, ma anyun obonta zaare o Manyi ona Yesu Kiristo been vonjize onin.

Abon abaaku baayiz ci abon

¹² Karabon bar anyak naatunoon eet ci azi ne, “Ma kagoon gi ci olla aron zinze kutugu, abon labak.” Ii, nedet kaala o olla aroonnyu niiga utuguz dook abon labak, bar zin kaala ogen kaale nicoko alaj atiritun gole ci abon. Alaj zin karoon naana kanyek ele can o kizi miroi ci gi oma kaale nicoko. ¹³ Karabon bar azi eeti oman ne, “Agoonu Jooi dayiin ka kadakte.” Didi zin nici zooz ceen didi, bar zin katin uulal Jooi dayiin been buk eleeti o ol o adak dayiin nicoko dim. Alaj eleeti cigaac o kanyak ka kutuguzi waan, bar kanyak ka kilinjitozoke Manyi Yesu, ka zin kozooti Manyi Yesu eleeti cigaac o. ¹⁴ Baale itinjawi Jooi noono daayiza, ma katin buk inaanet niini ageet daayiza dayize onin.

¹⁵ Agayu niiga eleeti cugoocok o izi viten ci ele o Kiristo. Ku zin bodo avoyu ele ci Kiristo o, ma avo anyeku kizi ele ci waanayaito o? Alaj gi nici awoya been neen. ¹⁶ Alaj niiga agayu ma arome eeti ki naa ceen waanayai, eelit niigi dook kiyo ele

codoi o? Azi warage o Joowo ne, “Mā arumo eleeti ceen ram, iziti niigi ele codoi.”¹⁷ Buk mā anyek eeti ele onin Manyi Yesu, odoye niini been nōnō.¹⁸ Zin giye nico edeya eleeti waṅa. Kaala ci gerze ogen alaṅ anyaak ele gerzitin bitaala, bar mazi agoon eeti waṅa, anyaak ele onin maany gerzitin bitaala.¹⁹ Alaṅ niiga agayu eleeti cugooc o ceez ci Vṅjiz o Joowo o? Alaṅ agayu arekuṅ Jooi igeet Vṅjiz onin, ma inoko abaak niini zinzeetine ugooc o? Abon zin agayu niiga eleeti ci anyaku o alaṅ een cugooc, bar eleeti ci Joowo gi.²⁰ Ataalawuṅ niini igeet daayize o Yesu Kiristo. Abon zin niiga anyeku eleeti cugooc o kobonta ka anyaaktak Jook titinyon.

Zōz ci akati rociin ole o atuwe

7¹ Inoko karoṅ kuduwayuṅ gi ci akati zōz baal ajinaṅ waragewe baal itoonakaṅ e. Mā alaṅ arōṅ eeti kōrōcō, abon labak.² Bar zin giye o gōon acinanet Loryen waṅa, abon anyak eeti ḡaa cin, ma abon anyak ḡaa eet cin, ka zin calaṅ agōon niigi waṅzet bitaala bodo.³ Abon eeti ci arōce anyek ḡaa onin kijeṅ oonnyak o eeto kibeen ḡaa. Ma abon buk ḡaa ci anyak eet anyek eet onin kijeṅ oonnyak o ḡaa kibeen eet.⁴ Ma ele ci ḡaa, o ele ci eet onin. Buk ele ci eeto o, ele ci ḡaa onin.⁵ Má avaconu ḡaati ooginu, dooke coma rak azoosu zee ma agamanu niiga dook gi ci ka rak edeyōi ḡintimiliny ḡaati aroṅnyu aṅaruyōi. Bar mazi udutu ḡaryiinta, oromte eonoṅ laadun labak ka calaṅ anyeku Loryen waṅi ci acinanuṅ ageet giye o alaṅ animnyu niiga emezti kaal o acinanuṅ.

⁶ Alaṅ zin bar karicanekuṅ igeet gi ci abon arocinu. Bar olla kaduwakuṅ o ka mate arōṅ eeti kōrōcō, abon labak.⁷ Maje te kizi gi ci eelnu niiga kiyo naana o, abon waan uuṅnu niiga dook rociin. Bar zin anyek Jooi gōon eet co ziniz cin doon.

⁸ Inoko zin niiga mōldōṅnya been ḡaai o boi abon waan aziṅṅaṅ aneet, ma abaaku niiga doon kiyo naana o.⁹ Bar mazi alaṅ animnyu uzuuti eleeti gole nico, abon arocinu labak ka calaṅ apirnanu eleeti giye ci aroṅnyu ḡaai karabōṅ een eet.

¹⁰ Kanyei zōz oma ci karoṅ kuduwayuṅ ce. Karicanei zin zōz nico ṅrōt ṅl o arōce. Abon ḡaa ci ṅrōce aavi eete onin nōkō calaṅ aaryai. Nici alaṅ een zōz can doon, bar zōz ci aduwa Manyi Yesu Kiristo.¹¹ Mā aaryai ḡaa eete cin, abon aavi niini moldoṅun nōkō, karabōṅ bar iron niini kibeen eet cin o ka kimiirozek niini nōnō bodo labak. Buk karicanei eet ci arōce ka calaṅ atōk niini ḡaa onin.

¹² Karōṅ bodo kitilowuṅ baabaninte can doon ce. Alaṅ een zōz ci aricanekan Jooi, bar olla baabaninet ci kaduwakuṅ oowe can doon. Mā anyak eeti ci atuwe ḡaa calaṅ atuwe, ma abaak ḡaa nici kibeen nōnō labak, alaṅ abon ḡaati atōkō nōnō.¹³ Mā anyak ḡaa ci atuwe, maje eeti cine o alaṅ atuwe, ma abaak eeti nici ki nōnō labak, alaṅ abon ḡaati aaryane niini ḡaatin.¹⁴ Kazi nōkō o, eeci agama Jooi rociin ci eet calaṅ atuwe giye ci ḡaa onin atuwe. Buk agama Jooi rociin ci ḡaa calaṅ atuwe giye ci eet onin atuwe. Agōon Jooi nōkō o ka kagama niini ṅl o ṅl nicoko kizi ṅl cigin.¹⁵ Bar mā arōṅ eeti calaṅ atuwe o kaaryai gone ci atuwe o, abon labak, zōz cin. Eeci gole nico lotinowa o Joowo alaṅ adōn eet ci atuwe karabōṅ een ḡaa ci atuwe, eeci aroṅket Jooi ageet baayiz ci kabaayi yaak.¹⁶ Niiga ḡaai o atuwenu, alaṅ agayu karabōṅ iima arogoz Jooi eet ugooc ḡaaten tuwen unoṅ. Buk niiga eeta o atuwenu, alaṅ agayu karabōṅ iima arogoz Jooi ḡaai ugooc ḡaaten tuwen unoṅ.

Abaayit baayiz o aroṅekuṅ Jooi

¹⁷ Abon gōon eeti ce amena gole o anyek Manyi Yesu nōnō ka kabaai. Abon gōon eeti aavi aavuzit onin baal aave laadun e. Nici zōz ci gōon kademzei naana ṅl o tuwento loocok dook.¹⁸ Mā anyak eet ci da eteet ele laadun iitene baal awe Jooi nōnō e, alaṅ abon ḡaati arōṅi niini ḡl ci aarane teedinet cin baal ateedine o. Mā anyak eet ci da laadun ḡaan keteeṅ iitene baal awe Jooi nōnō e, alaṅ abon ḡaati ateedine.¹⁹ Eeci mā ateedi eeti, karabōṅ alaṅ ateedi, akōm ḡinti akati. Gi ci titiny dook neen ci azooni eeti zōz o Joowo.²⁰ Abon aavi eeti aavuzit onin baal aave laadun iitene baal awan Jooi nōnō ka kiiya kutuwi Yesu e.²¹ Mā da een eeti miroi ceen gabaren iitene baal awe Jooi nōnō e, akōm gi ci ger. Bar zin mā ajowa niini ḡl ci aborcan ele gidente cin o, abon agōon nōkō labak.²² Eeci mā da een eeti miroi ceen gabaren, ma iya otowo Kiristo nōnō, oborocai niini mirōkzeta ṅtō labak ḡume o Manyi Yesu Kiristo. Maje buk eeti ci da alaṅ een miroi ceen gabaren, ma iya otowo Kiristo nōnō, izi niini gabaren ci Kiristo.²³ Ataalawuṅ Jooi igeet daayize o Yesu. Zin giye nico má ḡaan bodo eeginu gabara ci ṅl ci deer.²⁴ Gōtōṅga o tuwento, abon gōon eeti ce ḡaatonuṅ aromonek Jook alye onin kaavu ebaal laadun awe Jooi nōnō e.

Zōz ci akati ṅl o abaak moldoṅun

²⁵ Inoko zin giye baal ayeedeṅ akati ṅl ween mōldōṅnya e, ḡaan kiricaneyan Manyi Yesu aneet zōz ci ka kuduwayuṅ. Bar olla karoṅ kuduwayuṅ igeet baabani can doon, eeci eyelizayan Manyi Yesu bonat onin. Zin giye nico mā anyak gi ci kaduwakuṅ naana igeet, agama niini labak.²⁶ Zin giye ci akati nōṅ ci kol akunak ṅl o tuwento noko, kabaaban naana maya aavi eeti eonin laadun.²⁷ Mā da ṅrōcō eeti laadun, alaṅ abon ḡaati atōkō ḡaa cin o. Mā ḡaan da eeti een barin laadun, abon aavi niini moldoṅun nōkō.²⁸ Bar mate arōṅ eeti kōrōcō, abon labak. Buk mā arōṅ dole ci ḡaaye riyet, abon labak. Bar zin abon agayu ṅl o arōce anyak giden. Karōṅnyuṅ zin igeet ka calaṅ akunakuṅ giden nica.²⁹ Gōtōṅga, kaduwakuṅ zōz nico o, eeci iziti iinya o ka koṅorei lōci tōnye ṅrōt. Zin giye nico ṅl o arōce alaṅ abon ḡaati arike zinzeeti ugeec dook ḡaai doon.³⁰ ṅl ci anyak luwa, alaṅ abon ḡaati arike zinzeeti dook luwa doon. ṅl ci anyak talniin, alaṅ abon ḡaati arike zinzeeti dook talniin doon. ṅl dook o ataal kaal, alaṅ abon ḡaati arike zinzeeti ugeec dook kaal o ataal doon.³¹ ṅl o anyak kaal ci meel kaale o loocu, abon abaak niigi kiyo alaṅ anyak kaal nicoko o, eeci lōci inoko izi ajōn ka koṅorei.

³² Karōṅnyuṅ igeet aavtiz kōkōmawuṅ inoni zinzeetine ugooc. Ma eeti ci ḡaan kōrōcō, arek ziniz liṅliṅon o Manyi o, eeci ṅr niini nōṅ ka katalō Manyi ḡaatin.³³ Maje eeti ci ṅrōcō, abaaban niini kaal ci loocu noko ṅrōt, eeci arōṅ niini kanyek ḡaa onin katalō.³⁴ Anyek zin kaala nici eet nico keṅer zō. Ma ḡaa ci akōm eet, karabōṅ een dole ci ḡaan kōrōce laadun, abaaban niini kaal o akati Manyi Yesu, eeci arōṅ niini kanyek ele onin been ziniz onin dook nōnō. Eeci ḡaa ci arōce, abaaban niini kaal o loocu ṅrōt, eeci arōṅ niini kanyek eet onin katalō.

³⁵ Kaduwakuṅ zin igeet kaal nicoko o, eeci karoṅ ka kitirituṅ. Alaṅ karoṅ ka kacabuṅ zozowe nicoko. Bar karoṅnyuṅ igeet utuguz kaal ci abon, ma areku zinzeeti ugoocok dook liṅliṅon o Manyi Yesu.

³⁶ Inoko karoṅ kōzōz zōz ci akati eet ci agam dole ci ka kiriya. Mā arōṅ niini dole nico ṅrōt ele kabur ziniz, abon arōca nōnō ḡaan koromte, eeci rociin nici alaṅ gerze.³⁷ Bar mā anyak eet ci agam dole ci arōṅ kiriya, ma bodo vurta abaaban niini oowe onin doon zōz ci abon aave bariye, abon oṅ niini nōnō calaṅ arōca labak.³⁸ Ma eeti ci arōca dole baal laadun agam ka kōrōca e, agōon niini gi ci abon. Bar zin eeti calaṅ arōca dole baal laadun agam niini ka kōrōca e, agōon niini gi ci abon ṅrōt ele kujuk ḡon o arōce.

³⁹ Ma ɲaa ci ɔɔce, abon aavi eete onin ɲinti ɲaan arogni eeti cine o dook. Bar mazi adaak eeti cine o, ma arɔɔɲ niini riyet bodo eeti oman, abon labak. Abon zin eeti nici een eet ci atu Manyi Yesu. ⁴⁰ Maje ɲaatan bar kane, Atalne niini ɲaati waan aave calaɲ arocin bodo. Ma gi nico kabaaban naana kizik kaduwa zɔɔz nico Vɔɲize o Joowo.

Dayiin o ataabi ɔl joowane o adilyai

8 ¹ Karooɲ kuduwayuɲ zɔɔz ci akati dayiin o ataabi ɔl joowane o adilyai. Kaga naaga dook kanyak genyiz. Bar genyizi nici anyet ageet kodoɲit eleeti. Maje rɛezɔnet eenyetet kodoyit kak. ² Mā adɔɲ eeti ele giye ci kizik bar agenyi, alaɲ niini anyak genyiz ween didi. ³ Bar mā areez eeti Jook, aga Jooi nɔɔɔ.

⁴ Zin giye ci akati dayiin o ataabi ɔl joowane o adilyai, kaga naaga joowane o adilyai kaal ci labak. Ma buk kaga naaga adoi Jooi ɬɔr nɔko. ⁵ Yo nuun anyak kaalyan ci meelik ger adiɲɲan ɔl kizi joowane, karabɔɲ een manyigi tammu keɲa been loota o, ⁶ kaga naaga Jooi ween baatinai adoi ɬɔr nɔko. Nɔɔɔ neen o eenyca kaal dook ma kabaak naaga baayiz ci abon ka katalɔ niini. Buk kanyak naaga Manyitinai codoi ɬɔr nɔko Yesu Kiristo. Eenyca Jooi kaal dook ɲaaten nɔɔɔ, ma buk anyet niini ageet roget.

⁷ Ma gi nici gi ceen didi. Bar zin ɔl dook ɲaan kagaac zɔɔz nico. ɔl ogen gɔɔn da agɔɔn baale kaal ci joowane o adilyai zee makacin edemit nɔɔɔ zinkeeti ugeec. Yo nuun een inoko ele o, mā adak niigi dayiin ci ataabi ɔl joowane o adilyai, abaaban niigi bar kizik agɔɔn gi ci ger ɲume o Joowo. ⁸ Bar zin kaga naaga dayiin akom gi ci agooneket ɲume o Joowo. Mā kadak dayiin nicoko, akom ɲinti akati ɲume o Joowo. Mā kooɲ, akom buk ɲinti akati ɲaaten nɔɔɔ.

⁹ Abon zin agenyu utuguz kaalyan o acinu niiga abon ɲaatonooɲ gole calaɲ anyek ɔl oogi kabaca oɲe. ¹⁰ Mā anyak eet calaɲ anim zinize cin kutugu kaal nicoko, mazi acinin niini ineet ci kizik agenyi o aave ɲaa o gɔɔn ataabi ɔl joowane o adilyai, ma adei dayiin o ataabi ɔl joowane nicoko, adaɲeyu koca niina nɔɔɔ kadak dayiin ci aɲole nɔɔɔ ziniz cine o. ¹¹ Mazi adak niini dayiin ci ona abaaban niini kizik gerze noko giye o acinin niini ineet, ukuluzu koca nɔɔɔ. Alaɲ zin abon ɲaati akolone gotonu o adaa Yesu Kiristo ɲaaten nɔɔɔ. ¹² Ma gole nico abacanu niiga oɲec ɲaaten Kiristo giye ci ger agooneku gotonu cunooɲ tuwento o, eeci anyceyu niiga nɔɔɔ kutugu gi calaɲ arɔɔɲ niini kutugu. ¹³ Zin naana mā kacin dayiin ci anyek gɔɔna oma kabaca oɲec, alaɲ bodo kadei dayiin nicoko been neen, gerze ɲaan kanyi nɔɔɔ kabaca oɲec.

Kaal o agano ki toonnyak o Kiristo

9 ¹ Abon agayu niiga kawo naana labak kɔkɔm gi ci adoonan kaale o loocu. Agayu buk niiga keen naana toonnyai ci Manyi Yesu. Eyelizayan Yesu ween Manyi onai ele onin, ma kicina naana nɔɔɔ keberene ogan ele. Ma inoko niiga atuwenu giye o kuuwayekuɲ naana igeet kaviyak o abon. ² Yo nuun alaɲ ɔl ogen anyan aneet kizi toonnyai ci Yesu o, maje niiga kaga naana anyan aneet kizi toonnyai cin, eeci niiga o atuyu Yesu gole onan ayezanu gi o keene naana toonnyai cin.

³⁻⁴ Mā azoozan ɔl ogen aneet gerze, kadaɲine koca naana ele cano gole ci kanek nɔɔɔ ne, Kaganona naana ɲaati anyan ɔl dayiin kibeen kaal ci kawudi giye o kaliɲɲe. ⁵ Kaganona waan ɲaati karɔce dole ci atu Manyi Yesu ka waan gɔɔn keerɔnta naana kibeen nɔɔɔ, kiyo buk agɔɔn Pitɔr ki toonnyak oogi been gɔɔnɔgi Yesu o. ⁶ Alaɲ waan kaganona naana been Barnabas ɲaati kaliɲɲnya naaga doon liɲɲɔn ci ka kojoktaya dayiin, maje ɲaato anyeku niiga toonnyak oogi dayiin labak. ⁷ Akom laadun takiren ci aliɲɲ nɔko kɔkɔm dayiin. Akom eet ci eeva mana, ma alaɲ adak niini kaal o abiirna mana online. Akom eet ci abal tiin, ma alaɲ aam iira ci tiin cigin o.

⁸ Alaɲ zin kaduwa kaal nicoko naana doon, bar buk lotinowa gɔɔn aduwa kaal nicoko ele. ⁹ Azi lotinowa o Mosis ne, “Mā acabju taɲ otok ɲaati uurtane labi zɔɔne.” Alaɲ arican Jooi zɔɔz nico tiine ci uurta labi doon. ¹⁰ Bar buk zɔɔz nici akanet ageet ele. Eeti ci eevonek gɔn oma been eet ci ateedak gɔn oma labi cigin, abon buk ajowa niigi labi cigeec mane nico. ¹¹ Katobona zin naaga been eet o gɔɔn aliɲɲek gɔn oma mana cin o. Koɲokta naaga ɲaatonooɲ tuwen o atuyu niiga Jook. Abon zin waan anyetu buk niiga ageeta kaal ci karoɲnya. ¹² Mā agamanu gi ci atiritu ɔl oogi kaale ci ka korogti, abon waan bar atiritetu niiga ageeta ɔɔɔt kujukta nɔɔɔ.

Bar zin ɲaan kijintuɲ naaga igeet kaal ci karoɲnya. Bar olla kagamtawa naaga piryakzet labak gerze ɲaan kalamnya zɔɔz o Joowo abon akati Kiristo ɲaati adalane ɔl dook. ¹³ ɲedet agayu niiga nɔko gɔɔn ɔl o aliɲɲ ceeze o Joowo ajowa niigi dayiin kaale o ataabi ɔl Jook. Buk alaata o agoonek Jook todoyok ajowa niigi todoyowe nicoko idiɲ ci miliny. ¹⁴ Zin buk gole ci atobo been nico, aricanek Manyi ona Yesu ɔl o uuwawonek zɔɔz online kitiritit ɔl o uuwayek nɔɔɔ zɔɔz.

¹⁵ Bar zin mayo nuun arican Jooi zɔɔz nico o, ɲaan kijin naana eet oma kaal ci karoɲ. Ma alaɲ buk kayeedekuɲ igeet warage nico o ka anycaɲ kaal ci anyan. Mayo nuun ka kadaak, alaɲ kajinuɲ gi ci kajinuɲ been neen. Inoko naana kabolol, eeci ɲaan kijinuɲ kaal, ma akom didi eet ci ka kanyan aneet alyaan bololonte can o giye ci da kalawe naana nɔɔɔ. ¹⁶ Alaɲ naana kabolol giye o kuuwai zɔɔz o Joowo, eeci aricanek Manyi aneet kutugu nɔko. Mā alaɲ kuuwai naana zɔɔz o Joowo, nɔɲ ci kol koca ɲaatan. ¹⁷ Mate kuuwak zɔɔz nico giye ci ɔɔ can doon, agano waan ɲaati kajowane guruc ci liɲɲɔn nico. Alaɲ zin kagoon nɔko, eeci Jook neen o aɲeranan aneet, ma adaɲekan kutugu liɲɲɔn nico. ¹⁸ Gitaz zin ci ka kojowa? Kajowa zin bar olla waɲi doon ci kuuwaye zɔɔz o Joowo abon kɔkɔm gi ci aruwekan ɔl aneet. Ma alaɲ kajin naana nɔɔɔ ka kanyan niigi aneeta kaal o waan kaganona ɲaati anyan.

¹⁹ Yo nuun alaɲ keen naana gabaren ci eet oma loota ɲina o, bar kutuguwa ele onan kizi gabaren ci ɔl dook ka kanyaa ɔl ci meel kivita kutuweec Yesu Kiristo. ²⁰ Gɔɔn ma kaliɲɲ ole o Juz, kagoon buk naana keerane ugeec ka kanyaa nɔɔɔ kivita kutuweec Yesu Kiristo. Mayo nuun alaɲ adoonan aneeta lotinowa o Mosis o, kano naana kaal o aduwa lotinowa nici labak ka kanyaa ɔl o Juz kivita kutuweec Yesu Kiristo. ²¹ Buk gɔɔn ma kaliɲɲ ole ween moden o alaɲ azooni lotinok nicoko, kuɲ buk naana lotinok nicoko kiyo niigi o, ka kanyaa nɔɔɔ kivita kutuweec Yesu Kiristo. Ma gi nici alaɲ akati gi ci kaborne naana lotinok o Joowo, bar olla kagoon naana gi o aduwakan Kiristo aneet kutugu. ²² Gɔɔn mā karomena ki ɔl calaɲ atuwe juruɲ, kalaca buk naana ele kibil kiyo niigi o, ka kanyaa nɔɔɔ kivitak gɔl o Joowo. Kagoon naana ele kizi laɲoti ɔl dook, ka coma kojowa gɔl ci kanyaane ɔl oogi ɲaatineɲ kivitak Yesu Kiristo. ²³ Kagoon kaal nicoko dook o ka kadala zɔɔz o Joowo ɔl dook. Nici liɲɲɔn o anyan Jooi aneet kilɲɲɲ neen, ma karoɲ kutugu juruɲ ka kojowa naana mayuwenet o Joowo.

²⁴ Agayu niiga gɔɔn ma arawone ɔl gi ci arawone, arak tedec gi nico ɲaatineɲ dook eeti codoi ɬɔr nɔko. Zin buk gole nico abon ooryunooɲ ɔɔɔt arayoi baayiz ci abon ka ojokta niiga roget Joowa. ²⁵ Gɔɔn ma arɔɔɲ eeti kizi tiir, ɔɔrɔɲ ademez niini ele rak ɲaati adokonyi ka kizi tiir. Agɔɔn niini nɔko o ka mā anyak gi ci arawone ɔl ka karak niini ɔɔwa. Bar zin vɔyita ci arawone niini kibeen ɔl o, kaal ci adicai kataman. Maje vɔyita o karawone naaga ɔl o katu Jook, vɔyit ci eel been neen. ²⁶ Gi zin ci gɔɔn kabaaye naana

Pól baayiz ci abil tóop o neen nici. Buk giye nico kabil naana kiyo eeti o ooryi ɔɔɔt o. ²⁷ Karooŋ naana kedemez ele can o kɔdɔk ka kuuwayek ɔl kaviyak o Joowo juruŋ. Ka zin enice kojowa buk naana kibeem nɔɔgo mayuwenet Joowa.

Edeya eleeti joowanene o adilyai

10 ¹ Dól o yaai, karoonyuŋ igeet agaac gi baal agoononek ɔl ween jijitigaac baal ano Mosis e. Ayit baale nɔɔgo diizoc zee ma ako abaakzi Liil o Meeri ŋaati aŋerɔn maama kɔdɔk ŋinti ano niigi o kak. ² Ma ŋinti baal abaayiz niigi neke been diizoc ci baal ayit nɔɔgo neke, anyek nɔɔgo keelit kiyo otoonyce ka kiziti niigi ɔl ci Mosis o. ³ Niigi dook adayit waanice dayiin ci avu Joowa. ⁴ Ma buk owoodit niigi maam ci anyek Jooi nɔɔgo. Aduŋna waanice maama nica biya. Ma be nica Kiristo ele neen o ɔrkɔr kibeem nɔɔgo weete uneen. ⁵ Bar zin waanice kaale nicoko dook alaŋ Jooi atalne ole ci meel ŋaatineen, ma giye nico adaayito waanice niigi kemecito eleeti ugeecik balala ŋinaante.

⁶ Ma kaala nicaga agooni o ka kizi demziin ci anyet ageet kegenyit, ka calaŋ karooŋ kutuguz kaal ci ger kiyo baale jijitigaac e. ⁷ Mazin niiga má adiŋdiŋanu joowane o adilyai kiyo baale ɔl ogen ŋaatineen e. Azi warage o Joowo giye ci akati nɔɔgo ne, “Alotai ɔl, ma aavtiz loota ka kadaktɔ, ma vurtu bar ŋaaz niigi jena, ma oowo loten nico kizi kuruma ci baayinto been waan.” ⁸ Alaŋ zin abon ŋaati kagooŋi naaga waan, eeci waanice agooŋ ɔl ogene ŋaatineen waan, ma aruk Jooi ŋaatineen kadaayito ɔl ci meel ger (23,000) iitene codoi tɔr nɔkɔ. ⁹ Baale ɔl ogene ŋaatineen icinta Jook, ma adak kowanya nɔɔgo kadaayito. Alaŋ zin abon ŋaati kacinan naaga Jook. ¹⁰ Baale ɔl ogen ŋaatineen arɔk cocobɔn. Zin enice iiya toonnyaiti o daayizo, ma aku aruk nɔɔgo kadaayito. Alaŋ zin abon ŋaati karoyi naaga cocobɔn.

¹¹ Ma kaal nicaga dook waanice agoononek nɔɔgo o ka kedemez ɔl oogi calaŋ agooŋ kaal ci ger eel ki nicaga neke. Ma ayeedi buk kaala nica ka keyelozeyet ageet waanico, eeci kabaak inoko naaga waazine ci ka kidicai lɔɔci.

¹² Mā abaaban eeti kizik adoi niini tuwenta, abon agam ele juruŋ ka calaŋ abaca gi ci ger, mate akunak nɔɔnɔ gi ci acina. ¹³ Ma cinan ci akunakuŋ igeet o, akunak buk gɔɔn ɔl dook. Bar zin Jooi azooni terkediiŋ onin ŋaatinaŋi, ma alaŋ anyek niini gi ci acinanuŋ igeet o komoguŋ, bar anyuŋ igeet dɔyiz ci amezu gi nico labak.

¹⁴ Laŋotigan o karezuŋ, edeya eleeti joowanene o adilyai. ¹⁵ Inoko niiga anyaku genyiz. Ataŋaamtek zin gi ci karoony kuduwayuŋ ce. ¹⁶ Gɔɔn mā kanyek Jook zany kaale o kawot iitene ci kaadane daayiz o Manyi ona Yesu, kazɔl naaga dook mayuwenet o aku biyete ogin. Buk mā kadak dɔkoc o kaadane ele onin iitene nico, kazɔl naaga dook mayuwenet o aku alye onin. ¹⁷ Yo nuun keegin meele, kazɔl naaga dook dɔkoc codoi tɔr nɔkɔ. Zin gole nico keelit naaga kiyo ele codoi tɔr nɔkɔ o.

¹⁸ Abaabanit di niiga keerane o ɔl o Juz. Anyak ŋaatineen gɔɔn ɔl ci adak viten oogi todoyowe o gɔɔn ataabi ɔl Jook. Zin giye nico oromtozek niigi Jook. ¹⁹ Agayu niiga joowane o adilyai alaŋ een niigi joowane ceen didi. Buk kaala o ataabi ɔl joowane nicoko alaŋ een todoyok ceen didi. ²⁰ Buk zin gɔɔn ɔl o alaŋ aga Jook agoonek niigi todoyok voŋizok o Loryento ger. Alaŋ zin karoonyuŋ naana igeet oromtozek voŋizok ci Loryento ger noko ŋaati agoonu kaal nicoko. ²¹ Alaŋ abon ŋaati awudu kaal o kayakzaan biye o Manyi Yesu Kiristo, ma bodo awudu kaal oogi ci ayakzaan ɔl voŋizok o Loryento. Buk alaŋ abon ŋaati adaku dɔkoc o kayakzaan ele o Manyi Yesu Kiristo, ma bodo adaku dayiin ci ayakzaan ɔl voŋizok o Loryento. ²² Alaŋ abon ŋaati kagooŋi kaal naaga nicoko, gerze ŋaan anyek Manyi ona kotobor nɔŋ, eeci anyak niini dɔyiz kujuket ageet.

²³ Karabɔŋ bar azi ɔl ogen ŋaatunooŋ ne, “Mā kagooŋ kaal ci olla karooŋ naaga kutuguz, abon labak ŋume o Joowo.” Ŋedet aleema niigi gi nico, bar zin anyak kaal oogi calaŋ atiritet ageet kobonta, ma buk anyak kaal calaŋ anyet kɔɔtɔ ki taden tuwenta.

²⁴ Abon zin gɔɔn eeti ce agooŋ kaal ci atiriti niini gɔɔnɔgi oogi. Alaŋ abon ŋaati agooŋi kaal ci atirti niini ele onin doon.

²⁵ Mā adaku idiŋ ci olla ajowanu niiga ataline ɔl, adayit labak kɔkɔm jinen giye ci akati ŋoliin ci todoyok o ataabi ɔl joowane o adilyai. ²⁶ Eeci ayeedi waragewe o Joowo zɔɔz ci azi ne, “Lɔɔci kibeem kaal o loocu dook kaal ci Joowo.”

²⁷ Mā awekuŋ eeti calaŋ atuwe dayiin ole cin, ma agamtawu niiga orkorit been nɔɔnɔ, ɔɔtɔ adayit dayiin ci anyuŋ niini igeet o dook labak kɔkɔm jinen, karabɔŋ een ŋoliin ci akati dayiin nicoko. ²⁸ Bar mā anyak eet ci anekuŋ ne, “Nici idiŋ ci todoyok o ataabi ɔl joowane o adilyai,” otoŋit. Má adaku, ka calaŋ anyeku eet ci ona aduwakuŋ igeet gi nico o kabaca oŋec, ka buk calaŋ anyak niini baabani ci ger ziniza. ²⁹ Abon uuŋnu niiga idiŋ nico. Alaŋ een giye ci aŋolinu niiga zinzeetine ugooc, bar olla otoŋit giye ci akati nɔɔnɔ.

Karabɔŋ bar ajine eeti oman azi ne, “Ma baabani ci eet oma ka kalaman aneet giye ci abon ŋaatan o naa? ³⁰ Mā kadei naana dayiin ŋaati kanyeke Jook zany, naa ɔl ogen azi ne, Gerze dayiin ci kanyeke Jook zany o?”

³¹ Kanekuŋ zin naana igeet ne, Utuguz kaal dook gole ci anyek ɔl dook katanaazɔ Jook. Yo nuun een kaale ci adaku, karabɔŋ een kaale ci awudu. ³² Abaayit baayiz calaŋ amadik ɔl ogen ole ween Juz, karabɔŋ een ole ween moden, karabɔŋ een ole o atu Jook. ³³ Unuyaŋ niiga aneet kaale o kagoon. Karooŋ gɔɔn naana kanyek ɔl dook kataltɔ kaale o kagoon. Alaŋ kagoon naana kaal ci akati bonat ci ele onan, bar kagoon kaal ci akati bonat ci ɔl dook, ka coma buk eelyai niigi.

11 ¹ Ayayiztaŋ aneet kaale o kagoon, kiyo buk kayayiz naana Kiristo o.

Gɔl o abon adiŋdiŋani ŋaai Jook kɔla

² Katalne ŋaatunooŋ ɔɔɔt, giye o aadanuŋ aneet, ma uzuutu buk niiga kaalyan baal kademzekuŋ e dook. ³ Karooŋnyuŋ zin agaac abal Jooi Kiristo. Maje Kiristo abal ɔl o mac dook, aje ɔl o mac abal ŋaai ugeec. ⁴ Zin mā aŋarye eeti, karabɔŋ uuwak zɔɔz o Joowo kɔla ŋaati anyayi kavur ɔɔwa, alaŋ koca niini atitiny Kiristo didi. ⁵ Bodo buk mā aŋarye ŋaa, karabɔŋ uuwak zɔɔz o Joowo kɔla ŋaati alaŋ acabi ɔɔ ruma, alaŋ oca atitiny niini eet onin didi. Mazi agooŋ nɔkɔ, otobtɔ koca niini kibeem ŋaai o gɔɔn akɔm alyaan, ma akoc ooti mace o. ⁶ Mā alaŋ arɔɔŋ ŋaa kubuŋ ɔɔ, bar maya anyaa niini ele alyaan ŋaati akocane ima bitaala. Bar zin giye o eene alyaan ŋaawa ŋaati akocane im karabɔŋ azeecane, abon abuŋ niini ɔɔ onin. ⁷ Alaŋ agano eeti ci mac ŋaati abuŋi ɔɔ, eeci eenycai niini kizi riritɔn ci ayselza titinyon o Joowo. Maje ŋaa ayselza niini titinyon o eet onin. ⁸ Agayu niiga eenycai baale ŋaa eete ci mac. Alaŋ eenycai eeti ci mac ŋaawa. ⁹ Eenyca Jooi ŋaa ka kitirit eet ci mac. Alaŋ eenyca eet ci mac giye ci akati ŋaa. ¹⁰ Zin giye nico abon abuŋ ŋaa ɔɔ ka keyeliza gi o abali eeti onine nɔɔnɔ. Abon agooŋ niini nɔkɔ ka calaŋ abornek toonnyawa o Joowo nɔɔnɔ nɔŋ. ¹¹ Bar zin giye o koromtozeke naaga Manyi Yesu baayize onai, alaŋ eeti ci mac adeyai ŋaawa, ma alaŋ ŋaa adeyai eete ci mac. ¹² Eeci yo nuun baale eenycai ŋaa eete ci mac e, buk bodo eeti ci mac iiya itiryai ŋaawa. Abon zin kaga naaga kaala dook avu Joowa.

¹³ Abon di abaabanu zɔɔz nico niiga maany. Agano ŋaatunooŋ ŋaati abilni ŋaa kɔle kɔrgena, ma aŋarye kɔkɔm gi ci abuŋi ɔɔ?

¹⁴ Kaga naaga keeranene ogaac mā abala eeti ci mac ima kizi wunte, een alyaan ŋaatin. ¹⁵ Mazi anyak ŋaa im ci wuntik, nici linat

ñaatin, eeci anyek Jooi nɔɔnɔ im ci wuntik ka kubunji ɔɔ. ¹⁶ Mā anyak eet calañ agama zɔɔz nico, abon aga niini akɔmnet ageeta kibeen ɔl o tuwento dook gɔl oma ci ka kidinjɔnta Jook.

Dayiin o adaan o daayiz o Yesu

¹⁷ Inoko alañ karoŋ naana kidiziyeyuŋ bodo zoozowe ci karoŋ kuduwayuŋ ce, eeci gɔɔn ma alotenu ka aŋaruyɔ, bar loten cunooŋ o anyuŋ igeet iziti gerzete ɔɔɔt ele kujuk aavuzit unooŋ gɔɔn aavtiyu laadun. ¹⁸ Ɔɔwa rak kazii azi ɔl ne, Ma gɔɔn alotenu ŋaatodoi, aŋeryu eeleeti iziti kɔle, ma adanɔnu. Kaga zin naana agoonu nɔkɔ didi. ¹⁹ Bar zin buk ŋerɔn cunooŋ o abon labak ka kagaac ɔl ŋaatunooŋ ɔl jaŋ ci abon awɔ tɔp. ²⁰ Kaga nɔkɔ gɔɔn ma alotenu ŋaatodoi ka ozolit dayiin o aadanu daayiz o Manyi, alañ didi aadanu niiga daayiz onin gole ci abon, bar agoonu niiga kaal cugooc doon. ²¹ Kazi nɔkɔ o, eeci gɔɔn ma adayinu, alañ arewonu, bar adake gɔɔn eeti ce labak cin zee ma anyer. Ɔl ogen abaaki, maje ɔl ogen aavtiz magizet nɔkɔ zee ma amiiri. ²² Gi nici gerze ɔɔɔt ele. Abon waan adaku dayiin cugooc o, ma awudu nyaantane cugooc o korogjowe ugoocok. Alañ abon ŋaati apezu ɔl o Joowo, ma buk alañ abon ŋaati anyaaku alyaan ɔl o amaati. Ka zin yo keneyuŋ naana ne? Aroŋnyu kitiŋnyuŋ igeet giye nico? Akɔm kina! Alañ katitinyuŋ.

²³ Eeci baale eyelyan Manyi Yesu aneet kaal baal buk kiiya kedemezeyuŋ igeet e. Waanice Manyi Yesu baaline baal ka kataalɔ ɔl nɔɔnɔ e, adoma ɔkoc. ²⁴ Ma anyek Jook zany, ma ateet ɔkoc nico, ma anek nuyak ogin ne, “Niciŋi ele onan kanyuŋ igeet neen. Adayit ka gɔɔn aadayaŋ.” ²⁵ Mazi aŋorneke dayiinta, adoma bodo jayitot ci nyaanu. Ma anek nuyak ne, “Nici terkediiŋ o colai aterkeduŋ Jooi igeet biyete ogan. Owodit ka gɔɔn aadayaŋ.” ²⁶ Ma zɔɔz nici akati gi ci ma gɔɔn te alotenu niiga ka adayit ɔkoc ci abil kiyo nici noko, ma awudu nyaan ci abil ki nici noko, ayelzanu niiga daayiz o Manyi Yesu. Utuguz zin gɔɔn nɔkɔ zee ma akɔ abada Manyi Yesu imin.

²⁷ Zin mā adak eeti ɔkoc ci abil nɔkɔ, ma awot nyaan ci abil nɔkɔ gole ci ger, abaca koca niini oŋec giye ci apezi niini Manyi Yesu kibeen biye ogin o. ²⁸ Mazi arɔŋ eeti kadak ɔkoc nico, ma awot nyaan nico gole ci abon, abon rak aŋaamnek niini ziniz onin juruŋ, mā abona, karabɔŋ gerze. ²⁹ Eeci mā adak eeti ɔkoc nico, ma awot nyaan nico calañ aga keŋ ci kaal nicoko, anyaak koca niini ele payiin ci ger Joowa. ³⁰ Anyak gɔɔn ɔl oogi ŋaatunooŋ ci agɔɔn nɔkɔ. Gi zin o gɔɔn amɔɔrni niigi, ma eegine roŋgenen, ma adaaŋni ogen ŋaateineŋ o neen. ³¹ Mazi kaŋaamnek naaga zinzeeti ogaac rak ɔɔwa maŋaan kutuguz kaal nicoko, alañ koca kajowa payiin ci ger Joowa. ³² Bar mā gɔɔn te apayeket Manyi piryakzet, olla arɔŋ niini kedemezset ageet ka kabaayit juruŋ ka calañ bodo apaket ageet kodoye kibeen ɔl o loocu iitene ci katin apayi niini looc e.

³³ Ɖɔl o yaai, ma gɔɔn te alotenu ka adayit dayiin ci aadanu Yesu, abon arewonu. ³⁴ Mā anyak eet ci adak magiz ɔɔɔt, abon adake niini ole onin, gerze ŋaan apayekuŋ Jooi igeet gerzitin.

Ŋaan kaku kaduwakuŋ kaal oogi iitene ci kakunakuŋ igeet ŋinaante.

Doyizok o anyek Vɔŋizi o Joowo ɔl o atuwe

12 ¹ Ɖɔl o yaai, inoko giye baal ayeedekaŋ akati kaal o anyet Vɔŋizi o Joowo e, karoŋnyuŋ igeet agaac kaal nicoko juruŋ.

² Agayu niiga baale maŋaan utuweec Yesu e, alabekuŋ waanice Loryen igeet tuu ka oneec joowane o adilyai alañ azɔɔz.

³ Karoŋnyuŋ zin agaac niiga akɔm eet ci arayin nɔɔnɔ Vɔŋizi o Joowo ci atɔr Yesu. Ma akɔm buk eet ci azi ne, “Yesu Manyi ona,” dooke coma aavi Vɔŋizi o Joowo ŋaatin.

⁴ Ma doyizowa o anyek Vɔŋizi o Joowo ɔl o atuwe meele keŋti ger, maje Vɔŋizi alyo o anyek ɔl doyizok nicoko adoye tɔr nɔkɔ.

⁵ Anyak buk liŋliŋonowa keŋti ci meelik ger, bar naaga dook kaliŋliŋonek Manyi Yesu doon kɔdɔwe tɔr nɔkɔ. ⁶ Anyak ɔl dook doyizok ci agɔɔni liŋliŋonok ci aŋɔrɔwɔ keŋti, bar Jooi o anyek ɔl doyizok nicoko adoye tɔr nɔkɔ. ⁷ Ayelza Vɔŋizi o Joowo ele ɔla dook golowe ci aŋɔrɔwɔ, ka ɔl o Joowo dook kitiritɔ. ⁸ Anyek Vɔŋizi o Joowo gɔɔn eet co dɔyiz ci ka kɔzɔzɔi zoozok ganiinta. Ma anyek bodo eet co dɔyiz ci ka kuduwai kaal o ayelzak Jooi nɔɔnɔ genyiza. ⁹ Anyek Vɔŋizi o Joowo ɔl oogi dɔyiz ci atuwen ɔɔɔt ele. Ma anyek Vɔŋizi nici alyo ɔl coko dɔyiz ci arogozi gɔnɔgi oogi mɔɔrizɔi. ¹⁰ Anyek Vɔŋizi o Joowo ɔl oogi dɔyiz ci agɔɔni kaal ci ateet ɔl biye. Ma anyek coko dɔyiz ci uuwayi zɔɔz o Joowo juruŋ. Ma anyek coko dɔyiz ci agawi kaal ci avu Vɔŋize o Joowo been kaal calañ avu Vɔŋize o Joowo. Ma anyek ɔl oogi dɔyiz ci ka koozoozi zoozok ci utugeti oogi. Ma anyek ɔl oogi dɔyiz ci aduwan keŋti ci zoozok nicoko. ¹¹ Kaal nicoko dook anyek ɔl Vɔŋizi o Joowo niini doon kɔdɔwe tɔr nɔkɔ. Anyek gɔɔn eet co gi ci olla te arɔŋ niini kanyek nɔɔnɔ.

Ele codoi o anyak viten ci meel ger

¹² Agayu niiga ele ci eet ci deer o adoye tɔr nɔkɔ, ma bar anyak viten ci meel ger. Vitena nici dook akanonek ele codoi tɔr noko. Abil zin Yesu Kiristo kiyo ele o. ¹³ Keel buk naaga nɔkɔ. Ɖl ogen ŋaatina Juz, ɔl ogen alañ een Juz. Ɖl ogen ŋaatina mirɔk ceen gabara, maje ɔl ogen alañ een mirɔk ceen gabara. Bar naaga dook koromte kiziti ele codoi tɔr nɔkɔ, ma akunaket Vɔŋizi o Joowo adoi tɔr nɔkɔ ageet dook iitene baal koonyene naaga zaare o Yesu e.

¹⁴ Ma ele anyak viten ci meelik ger, bar zin ŋaan een ele codoi tɔr nɔkɔ. ¹⁵ Yo nuun azi zɔɔci ne, “Giye o alañ keene naana ibaa, alañ keen ŋintodoi vitenane o alyo,” ŋaan ni een niini ŋintodoi vitene o alyo nɔkɔ. ¹⁶ Yo nuun azi itati ne, “Giye o alañ keene naana keberɔc, alañ keen ŋintodoi vitenane o alyo,” ŋaan ni een niini ŋintodoi vitenane o alyo nɔkɔ. ¹⁷ Mā da inoko ele dook keteenyai kizi keberɔc doon, aziŋne zin koca ku? Mā da buk ele dook keteenyai kizi itat doon, accɔk zin koca kaal ku? ¹⁸ Bar zin agɔɔna Jooi ele ci eet ci deer o vitenane ci meelik aŋɔrɔwɔ eo arɔŋni niini. ¹⁹ Mā da inoko ele dook keteenyai giye codoi tɔr nɔkɔ vitenane o alyo, nici alañ waan een ele didi. ²⁰ Anyak zin ele viten ci meel ger, bar ŋaan een ele codoi tɔr nɔkɔ.

²¹ Alañ zin aganɔ ŋaati aneke keberɔci aziit ne, “Alañ karoŋnyin ineet.” Ma alañ aganɔ ŋaati aneke ɔɔ zɔɔ ne, “Alañ karoŋnyuŋ igeet.” ²² Ma vitena o alyo ogen o kacin kizik akɔm dɔyiz, bar viten o atiritet ageet juruŋ neen. ²³ Ma vitena o alyo ogen o kacin kizik celbeze, bar viten o abon kazooni nɔɔgɔ ɔɔɔt neen. Maje vitena o alyo alile, bar viten o abon katitiny ɔɔɔt neen. ²⁴ Abon kazooni nɔɔgɔ kujuk viten o alyo alina. Jook zin neen o eenyca ele vitenane ci meelik, ma anyek kanyayit vitena o celbezik titinyɔn. ²⁵ Akɔm zin ŋinti ka keŋeryai alyo, bar vitena ci alyo noko dook atiritɔ. ²⁶ Mā apirna ŋintodoi, apirna buk vitena o alyo dook. Mā atalne ŋintodoi alyo, atalne buk vitena o alyo dook.

²⁷ Inoko zin niiga dook eeginu ele o Kiristo. Ma akanu niiga dook ele nico. ²⁸ Anyek Jooi ɔl coko gɔɔn liŋliŋon cineŋ ka kutuguzɔ ole o tuwento. Aŋera oogi kiziti toonnyak. Ma aŋera oogi ka kuduktak ɔl zoozok o ayelek Jooi nɔɔgɔ. Maje oogi aŋera ka kedemezit gɔnɔgi. Oogi aŋera ka kutuguzɔ kaal ci ateet ɔl biye. Ma anyek ɔl oogi dɔyiz ci ka korogozti gɔnɔgi moorizowe. Maje ɔl

oogi aŋera ka kitiritit gɔnɔgi. Ɖl oogi aŋera ka kitilozɔ gɔnɔgi. Oogi aŋera ka kozoozit utugetine ogen calaŋ aga. ²⁹ Alaŋ niigi dook een toonnyak. Alaŋ niigi dook een ɔl ci aduwak gɔnɔgi zoozok ci ayelek Jooi nɔɔɔ. Alaŋ niigi dook een ɔl ci ademez gɔnɔgi. Alaŋ niigi dook een ɔl ci agɔɔn kaal ci atɛet ɔl biye. ³⁰ Alaŋ niigi dook een ɔl ci arogɔz gɔnɔgi moorizowe. Alaŋ niigi dook een ɔl ci azɔɔz utugetine calaŋ aga. Alaŋ niigi dook een ɔl ci azii utugeti nicoko ka koobtek gɔnɔgi oogi keŋti cigeeɔ. ³¹ Abon zin areku zinzeeti ɔɔɔt gɔl ci ka kanyuŋ Vɔŋize o Joowo igeet doyizok ci atiritu ɔl juruŋ.

Ŋaan zin kaduwakuŋ gi o titiny kujuk kaal nicoko dook.

Rɛɛzɔnet ole o atuwe

13 ¹ Inoko mā kanyei naana dɔyiz ci kazɔɔze utugetine ci ɔl dook kurum o toonnyak o Joowo buk, ma akɔmnan reezinet ci kareɛze ɔl, zɔɔz cane o koca molok doon, akɔm keŋ kina.

² Buk mā kanyei dɔyiz ci kaduwake ɔl zɔɔz o ayelekan Jooi aneet, karabɔŋ kanyei dɔyiz ci kagawe kaal dook, kurum kaal o arɔɔdi Jooi ɔl buk, karabɔŋ kanyei tuwen ci kanyeke be kipiya ɛle kook ŋaaman, ma bar akɔmnan reezinet ci kareɛze ɔl, keen koca looc doon. ³ Mayo nuun kanyi kaal ogan kanyei dook ɔl o amaata, karabɔŋ kadaai giye ci ka keelai eet oma, ma bar akɔmnan reezinet ci kareɛze ɔl, keen koca looc doon.

⁴ Mā anyak ɛeti reezinet ziniza, eet nico alal ziniz, ma gonon. Ma alaŋ appe ziniz kaale culu, ma alaŋ abɔɔɔl, ma alaŋ adɔŋ ɛle. ⁵ Ma ɛeti ci anyak reezinet ziniza, alaŋ ayelza varac ci adɔŋi ɛle, ma alaŋ arezek kaal ɛle cin o doon, ma alaŋ anyak bolŋac. Ma alaŋ adɛz ziniza kaal ci ger agoonek ɔl ogen nɔɔnɔ. ⁶ Ma ɛeti ci areɛz ɔl, mā acin gɔnɔgi koogi agɔɔn kaal ci ger, alaŋ niini atalne. Bar atalne niini ŋaati acini nɔɔɔgɔ agɔɔn kaal ci atalna Jooi. ⁷ Mā anyak ɛeti reezinet ziniza, yo nuun agoonek ɔl nɔɔnɔ gi ci ger, amena niini areɛz nɔɔɔgɔ nɔko. Ma alaŋ tuwen onine aŋorneke. Amez niini kaal zinize ci alal tup, ma aga niini ŋaan anyaa Jooi tirten.

⁸ Aku waanma iiteni ci aŋorneke kaala dook o anyek Jooi ɔl, tiŋeere dɔyizi o aduwan ɔl zoozok o ayelzak nɔɔɔgɔ Jooi aŋorneke. Buk tiŋeere dɔyizi o azɔɔzi ɔl utugetine calaŋ aga aŋorneke. Buk tiŋeere genyizi aŋorneke. Maje reezinet abil niini kodot, ma alaŋ aŋorneke nɔko been neen. ⁹ Eeci genyizi cinai kanyak inoko o alaŋ een dook neen. Buk dɔyizi ci kuuwayi naaga zɔɔz o Joowo inoko o, alaŋ een dook neen. ¹⁰ Bar zin tiŋeere iitene ci ayelzaket Jooi kaal o azimnyai dook e, kaala o alaŋ azimnyai dook aŋorneke.

¹¹ Baale maŋaan keen kidic e, kazooz eo dole o miliny. Ma kabaaban kaal gole o dole o miliny. Bar zin mazi kidikira o, kotoŋa kaal baal kidikzetu e dook. ¹² Ma kaala ci kacin naaga inoko o ɛel kiyo riritɔni o gɔɔn kacini eleeti maami o. Zin katin ma abada Yesu, ŋaan ayelzai kaala dook kicinit juruŋ. Inoko rak alaŋ naana kaga kaal dook juruŋ, bar zin tiŋeere ŋaan kaga naana kaal dook juruŋ, kiyo buk agayan Jooi aneet juruŋ o.

¹³ Anyak zin kaal ci eegin iiyu ci ɛel nɔko been neen, tuwen, ki rewinet talmiinta, been reezɔnet. Gi ci zin titiny ɔɔɔt kujuk gɔnɔgi dook neen reezɔnet.

Doyizok o anyek Vɔŋizi o Joowo ɔl

14 ¹ Abon zin aricanu ɔɔɔt reezɔnet. Ɖɔrit buk nɔŋ ɔɔɔt ka ojokta doyizok o Vɔŋiz o Joowo, ricik ɔɔɔt dɔyiz o kuuwayi zɔɔz o Joowo. ² Ma ɛeti ci azɔɔz niini otoge calaŋ kaga, azɔɔzɔ niini ki Jook doon. Alaŋ azɔɔzɔ ki eet ci deer, eeci akom eet ci azii zoozok cigin aduwa o giye o azɔɔzi niini zoozok ci aroodi dɔyize o Vɔŋiz o Joowo. ³ Maje ɛeti ci uuwak zɔɔz o Joowo, azɔɔz niini eo ɔl o deer, ma azii ɔl nɔɔnɔ. Ma zoozowa cigine aduwa o atirit ɔl, ma ilot nɔɔɔgɔ, ma adizkek niini nɔɔɔgɔ kodoyit tuwenta. ⁴ Ma ɛeti ci azɔɔz otoge calaŋ kaga o, atirit niini ɛle onin doon. Maje ɛeti ci uuwayek ɔl zɔɔz o Joowo o, atirit niini ɔl o tuwento dook.

⁵ Ŋaatan alaŋ gerze ŋaati azoozu niiga dook utugetine calaŋ kaga. Bar zin karoohnyuŋ igeet dook anyayit dɔyiz ci uuwaku zɔɔz o Joowo. Eeci ɛeti ci uuwak zɔɔz o Joowo, titiny niini ɔɔɔt kujuk eet ci azɔɔz otoge calaŋ kaga. Dooke coma anyak eet oma ci anyak dɔyiz ci ɔɔbeke ɔl keŋti ci zoozok nicoko ka ɔl o tuwento dook kojokta tirten. ⁶ Dɔl o yaai, inoko mā kakunakuŋ, ma kaku kazooz otoge calaŋ agayu, katirituŋ oca ku? Akɔm kina! Dooke coma kaduwakuŋ igeet zɔɔz o ayelekan Jooi aneet gole ci aziŋŋu juruŋ. Ma kaduwakuŋ buk zoozok o genyiz o Joowo, ma kademzekuŋ zɔɔz onin gole ci aziŋŋu juruŋ.

⁷ Abaabanit di kaal o anyaa molokwa kiyo belaci ki kidori o. Mā alaŋ aruk ɛeti kidori, karabɔŋ abo belac korkorit mɔɔyi ki beniin ci arɔɔŋ niini o, alaŋ ɛeti oman aga beniin nico. ⁸ Buk gɔɔn takirnya mā alaŋ abeɛ toromba juruŋ gole ci te arɔɔŋ koromtɔi niigi, alaŋ niigi alotai. ⁹ Abil zin buk zɔɔz nico ŋaatunooŋ nɔko. Mā azoozu utugetine calaŋ ɔl aga, akom eet ci azii zɔɔz cunooŋ ci azoozu o. Olla azoozu niiga zɔɔz ceen ŋɔɔt doon. ¹⁰ Anyak zoozok ci meel ger azɔɔz ɔl loota ŋina. Gɔɔn ɔl ceegi anyak zɔɔz cineen o keŋ ci azoozek. ¹¹ Bar mā alaŋ kazii naana zɔɔz ci aduwakan ɛeti oman otoge uneen, agayan koca niini aneet keen moden. Ma buk kaga naana niini moden gi. ¹² Zin giye o aroohnyu niiga dɔyiz o Vɔŋiz o Joowo, abon ooryunɔŋ orooŋit dɔyiz ci atirit ɔl o tuwento kodoyit tuwente uneen.

¹³ Ma ɛeti ci anyak dɔyiz ci azɔɔzi otoge calaŋ kaga, abon ajin Jook ka kanyek nɔɔnɔ dɔyiz ci ɔɔbeke ɔl keŋ ci zɔɔz nico. ¹⁴ Eeci mā kaŋarye naana otoge calaŋ kaga, ŋɛdet kaŋarye didi ziniza, bar zin alaŋ kaga gi ci kaduwa o. ¹⁵ Abon zin yo kagoon ku? Ma kaŋarye zinize onan dook, abon buk kaga zɔɔz ci kaduwa o dook. Ma kabene zinize onan dook, abon buk kaben beniin ci Joowo kaga keŋ cin. ¹⁶ Mā anyeku Jook zany otoge calaŋ agayu, ka zin yo oca ɛeti calaŋ aga zɔɔz nico kagama ŋaryiin cunooŋ o ku? Alaŋ agama, eeci niini alaŋ aga keŋ ci zɔɔz ci aŋaryinu o. ¹⁷ Yo nuun ŋaryiin cunooŋ anyeku Jook zany noko abona ɔɔɔt, alaŋ atirit ɔl oogi been neen.

¹⁸ Kanyi Jook zany ɔɔɔt giye o anyan niini aneet dɔyiz ci kazɔɔze otoge calaŋ kaga tup kujukuŋ igeet. ¹⁹ Bar zin ma kaŋaryina kibeen ɔl kanisa, yo nuun kaduwa zoozok ceen tur nɔko ci aga ɔl dook keŋti cigeeɔ, abon ɔɔɔt ɛle kujuk zoozok ci meel kaduwa naana zooze calaŋ ɔl ogen aga keŋti cigeeɔ.

²⁰ Dɔl o yaai, mā abaabanu kaal ci celbez kiyo dɔɔya o miliny ter o. Otoŋit baabaninok ci ger, bar abon anyaku baabaninok ci abon eo ɔl o adikir. ²¹ Azi Jooi waragewe onin ŋaaman ne, “Kitoon waanma moden ci azɔɔz zoozok ci aleek ɔl ka kivita kuduktak ɔl ogan zɔɔz onan. Bar zin mayo nuun kagoon nɔko, ŋaan abornan ni niigi aneet nɔko.”

²² Zin dɔyizi ci azɔɔzi ɔl o atuwe zoozok calaŋ kaga keŋti cigeeɔ o, anyek Jooi nɔɔɔgɔ ka keyelizake niigi ɔl o alaŋ atuwe dɔyiz o Joowo. Alaŋ bar ka keyelezozek dɔyizi o Joowo ɔl o atuwe laadun. Maje dɔyizi o kuuwayi zɔɔz o Joowo ayelza niini dɔyiz o Joowo ole o atuwe laadun, alaŋ ayelzonek ɔl o alaŋ atuwe.

²³ Zin mā arome ɔl o tuwento dook ŋaatodoi, mazi azɔɔz niigi dook utugetine calaŋ kaga, azi koca ɔl o alaŋ atuwe avunak nɔɔɔgɔ ne, “Aam ɔl nicoko maŋɔnnya.” ²⁴ Bar mazi azoozu niiga zoozok o Joowo kiziikte, ma aku ɛeti calaŋ atuwe ka kiiya kiziik zoozok nicoko, ayelzak koca zoozowa nico nɔɔnɔ oŋe ogin, ma apak katin Jooi nɔɔnɔ kaale o azii niini dook. ²⁵ Ayelzak koca zoozowa

nicigi nɔɔnɔ kaal o ger aroodi zinize onin dook, ma aku aavi loota kɔpɔkɔk ɲaati adiɲɲani Jook, ma aga niini aavi didi Jooi ɲaatunooɲ.

Gɔl o abon adiɲɲani ɔl o tuwento Jook

²⁶ Dɔl o yaai, kaala ci kaduwakuɲ noko dook akati gi ci gɔɔn m̄ alotenu ka idiɲɲanit Jook, abon agɔɔn ɛeti ce liɲliɲon cin. ɛeti ce abon arayin gɔɔngi beniinowɛ, ɛeti ce ademɛz gɔɔngi, ɛeti ce aduwak gɔɔngi kaal o ayelek Jooi nɔɔnɔ, ɛeti ce azɔɔz otoge calaɲ aga, ɛeti ce aduwa keɲti ci zoozok nicoko. Abon kaala dook agooni gole ci atirit ɔl o tuwento kɔɔt ki taden. ²⁷ M̄ anyak ɔl ci arɔɔɲ kozoozit utugetine calaɲ kaga, anycek ɔl ram karabɔɲ een iyyu nɔkɔ kozoozit ɲaati anowɔn codoi codoi. Abon zin anyak eet ci aduwa keɲti ci zoozok cigeec o. ²⁸ Bar mazi akɔm ɲinaante eet ci ka kuduwa keɲti ci zoozok cigeec o, m̄ anyeku nɔɔgɔ kozoozit. Anycek olla nɔɔgɔ kozoozɔ kibeen Jook murur zinzeetine ugeec doon. ²⁹ M̄ aduwa ɔl ceen ram, karabɔɲ een iyyu, zɔɔz ci ayelzak Jooi nɔɔgɔ, anycek ɔl oogi kataɲaamtek zoozok cigeec aduwa o juruɲ.

³⁰ M̄ anyak zɔɔz ci ayelek Jooi eet oma ole ci aavtiz loota o, anycek nɔɔnɔ kitiɲa kɔzɔz. Maje eet ci ona abil jena azɔɔz o, anycek nɔɔnɔ kaavu loota. ³¹ Abon niiga dook aduwanu zoozok o Joowo ɲaati anowonu codoi codoi, ka ɔl dook kagaac zɔɔz o Joowo zinzeetine ugeec juruɲ, ma ajowa tirten. ³² Ma ɛeti ci anyak dɔyiz ci aduwan zɔɔz ci ayelek Jooi nɔɔnɔ, abon anyak buk niini dɔyiz ci arewane waɲi cin ka kɔzɔzi zinize ci alal. ³³ Eeci Jooi alaɲ arɔɔɲ yawyawitin, bar arooɲnyet niini ageet koromte juruɲ ganɔnta.

³⁴ Ma gɔɔn te alotenu ɲaatodoi, abon ɲaai ajaki kiyo buk gɔɔn ɔl o tuwento vitenane ogen o. Alaɲ abon ɲaati azɔɔzi, bar abon acelbezen niigi eleeti kiyo aduwa lotinowa o Joowo o. ³⁵ M̄ arɔɔɲ ɲaa kijin gi ci ajin ka kaga, abon ajaki. ɲaan ako ajin niini eet onin ɔl, eeci een alyaan ɔɔɔt ɲaawa ɲaati azɔɔzi niini lotente ci ɔl o tuwento.

³⁶ Abon agayu niiga zɔɔz o Joowo alaɲ akanai ɲaatunooɲ. Buk alaɲ akunakuɲ zɔɔz o Joowo igeet doon. ³⁷ M̄ acin ɛeti ɛle kizik anyak niini dɔyiz ci aduwan zɔɔz o Joowo, karabɔɲ kizik anyak niini dɔyiz oma ci anyek nɔɔnɔ Jooi, abon aga niini zoozowa ci kayeedekuɲ naana igeet noko zoozok ci arican Manyi Yesu Kiristo. ³⁸ Mazi alaɲ arek ɛeti zoozok nicoko ziniz, m̄ areku buk niiga nɔɔnɔ zinzeeti.

³⁹ Dɔl o yaai, abon aricanu niiga zinzeetine ugooc dook uuwayi ci uuwaku zɔɔz o Joowo. Buk m̄ alamnyu ɔl ɲaati azɔɔzi utugetine calaɲ kaga. ⁴⁰ Bar olla utuguz niiga kaal dook gole ci abon, kɔkɔm yawyawitin.

ɲaazi o Yesu daayiza

15 ¹ Dɔl o yaai, inoko karoɔɲ kaadayuɲ bodo kaviyak o abon baal rak kuduwayuɲ e. Baale utuyu niiga kaviyak niceke zee been inoko o ɲaan atuyu nɔkɔ. ² Aruguzuɲ zin Jooi igeet kaviyawe nicoko, m̄ didi azuunu niiga kaal baal kaduwakuɲ e. Dooke coma da ɲaan didi agamta kaviyak niceke zinzeetine ugooc dook.

³ Kuduwayuɲ waanice kaviyak baal ayelzonekan aneet. Ma kaviyawa nica adiɲɲin ɔɔɔt kujuk kaal dook. Azi kaviyawa nici ne, Adaai Yesu Kiristo oɲene ogaac kiyo ayeedi waragewe o Joowo o. ⁴ Ada ɔl nɔɔnɔ, ma iinyaye ceen iyyu itiɲawi Jooi nɔɔnɔ daayiza kiyo ayeedi waragewe o Joowo o. ⁵ Ma enice ɛle eyelek rak niini ɛle Pitɔr, ma vurtu iyya eyelek ɛle nuyak ween amɔtɔ ram dook. ⁶ Ma bodo iitene oman iyya eyelek ɛle ɔl ci meel kujuk ɔl ceen eet tur lak tur (500) ole baal gɔɔn ano nɔɔnɔ e. Adaayitɔ ɔl ogen ole nicoko, maje ci meelik ɲaatiɲeeɲ ɲaan arogi. ⁷ Ma bodo iitene oman ayelek ɛle Jemis. Iyya ni vurtu eyelek ɛle toonnyak dook.

⁸ Ma eci aɔrneke o iyya buk eyeleyan niini ɛle aneet. Makacin kagawa Jook gole ci olla aku boyoɲyoɲ calaɲ aga ɔl kiyo dole o gɔɔn ilalyannai o. ⁹ Agɔɔn zin niini nɔkɔ o, eeci keen naana celbez toonnyawe dook. Ma alaɲ waan buk kaganona ɲaati awuyan ɔl aneet kizi toonnyai, eeci baale kagidi ɔl o tuwento ɔɔɔt. ¹⁰ Bar zin Jooi bonate onin amayuwan aneet kibil kiyo acinaɲ noko. Ma mayuwenet onine amayukan aneet, alaɲ een gi ci labak, eeci kiiya kilinɲi naana ɔɔɔt kujuk toonnyak dook. Alaɲ zin bar kalinɲi dɔyize can, bar bonat o Joowo been dɔyiz onin neen ci kalinɲi o. ¹¹ Zin m̄ kuuwai kaviyak o Joowo naana, karabɔɲ uuwak toonnyawa ogen, adoye dook nɔkɔ. Naaga dook kuuwaka zɔɔz nico, ma atuyu niiga dook zɔɔz nico.

ɲaazi onai daayiza

¹² Ma kaviyawa o gɔɔn kuuwayeka naaga ɔl akati ɲaazi o Yesu daayiza. Zin m̄ itiɲawi Jooi Yesu daayiza o, ku aziyu niiga ne, “Alaɲ ɔl iɲaaz daayiza?” ¹³ M̄ alaɲ ɔl iɲaaz daayiza, ɲaan da buk koca Yesu Kiristo kitiɲa daayiza. ¹⁴ Mazin da Yesu Kiristo kizi gi ci ɲaan kitiɲa daayiza, akɔmnet waan ageeta gi ci ka kuuwakteyuɲ igeet, ma akɔm waan buk niiga gi ci ka utuweec. ¹⁵ Buk m̄ ɲaan da didi kitiɲawi Jooi Yesu Kiristo daayiza, keegina koca naaga dook voloɲnyok, eeci gɔɔn kaneka ɔl ne, “Itiɲawi Jooi Yesu daayiza.” Buk m̄ alaɲ katin iɲaani Jooi ɔl daayiza, ɲaan da didi kitiɲawi niini Yesu daayiza. ¹⁶ Eeci m̄ alaɲ iɲaaz ɔl daayiza, ɲaan da buk koca kitiɲawi Jooi Yesu daayiza. ¹⁷ Mazi ɲaan kitiɲawi Jooi Yesu Kiristo daayiza, koca tuwen cunooɲ o looc doon, ma ɲaan anyaku oɲe nɔkɔ. ¹⁸ Buk koca ɔl o atu Yesu, ma adaayitɔ, ɔɔtɔ niigi izi neen. ¹⁹ M̄ katu naaga Yesu giye ci akati roget ci kanyak inoko o doon, kapirna koca naaga kujuket ɔl o loocu dook gaga nɔkɔ.

²⁰ Bar zin didi Jooi itiɲawi Yesu Kiristo daayiza. Ma ɲaazi onine ayeleket ageet gi o tiɲeere buk iɲaani Jooi ɔl o adaai dook daayiza. ²¹ Anyaak baale laadun daayiz looc ɛeti codoi ɬɔr nɔkɔ. Ma buk gole ci atobɔ ki nico anyaa bodo ɲaazi daayiza ɛeti codoi ɬɔr nɔkɔ. ²² Zin buk kiyo adaai ɔl dook giye o eegine niigi dɔl o dɔl o Adam o, buk gole ci abil nɔkɔ tiɲeere iɲaani Jooi ɔl dook daayiza giye o oromtozɛke niigi Yesu Kiristo. ²³ Ma kaala nici akanai katin kezɛdjai nɔkɔ. Kiristo neen o itiɲa daayiza ɔɔwa. Mazi katin abadaak niini looc, iɲaaz ɔl ogine atu nɔɔnɔ dook daayiza. ²⁴ Ma vurtu iyya ni looc dican. Ma iitene nice uulal katin Kiristo doyizok o alaɲ o loocu dook kibeen alaazet o Loryento abali niini looc. Mazi odot, odoma ni niini anyek baliin onin Jook ween baatinai. ²⁵ Kiristo neen o abal rak ɔl dook zee ma amɔk Jooi ɔl o amarnin nɔɔnɔ dook. Anyek ni Jooi Kiristo korocek nɔɔgɔ looc zɔɔne. ²⁶ Ma vurtu ɔmɔge ni miroiti o aɔrneke een daayiz. ²⁷ Azi waragewi o Joowo ne, “Anyek Jooi ɲeerin korocek kaal dook looc zɔɔne ogin.” Zin giye nico kaga naaga abal didi tiɲeere Yesu kaal dook. Ma zɔɔz nici alaɲ akati gi ci ka katin kabali Yesu Jook, eeci Jook neen o anyek nɔɔnɔ kabal kaal nicoko dook. ²⁸ Ma iitene ci katin anyeke Jooi Yesu Kiristo kaal dook e, buk niinilya ween ɲerti Joowo abadaan ɛle kizi kidic ɲaati baatin o anyek nɔɔnɔ kaal nicoko kabal, ka zin enice kabal kaal dook Jooi doon.

²⁹ Anyak gɔɔn ɔl oogi ci oony eleeti ka korogozit niigi gɔɔngi ci adaayitɔ laadun. Zin m̄ alaɲ aga niigi iɲaaz ɔl bodo daayiza, oony zin eleeti ka korogozit gɔɔngi ku? ³⁰ Mate calaɲ kaga naana kiɲaaz katin daayiza, alaɲ waan koca gɔɔn kakoyɛ ɛle can o daayiza tup. ³¹ Dɔl o yaai, didile kaduwakuɲ igeet, kaboca gɔɔn naana daayiza iinya dook. Kaduwakuɲ zɔɔz nico o, eeci kabololuɲ naana igeet, ma katalne ɔɔɔt giye o oromtozɛku niiga Yesu Kiristo ween Manyi ona. ³² Iiten baale kagidei naana ɔɔɔt ɛle Evesosa

ñaato. Kabil waanice kiyo koorona ki kelegit o mooti o. Mā alaŋ zin iŋaani Jooi ol daayiza, kagoon zin da naana noko o ka kutuguwozeyan gi ci abon jaŋ? Bar zin mā alaŋ iŋaaz ol daayiza, abon kadake, ma kawot nyaantane labak, eeci tiŋeere kadaai.

³³ Mā anyeku ol oogi kalabtawuŋ igeet. Mā orkoryu been ol ci agoon kaal ci ger, agoonu buk koca niiga kaal ci ger kiyo niigi o. ³⁴ Abon zin abaabaninu juruŋ ka otoŋit oŋe. Kacin ol ci miliny ŋaatunooŋ alaŋ aga Jook. Kazi noko o, ka kaamuŋ igeet alyaani giye nico.

Eleeti ci ol o iŋaaz daayiza

³⁵ Karabonŋ bar ajine eeti oman azi ne, “Ka dim ol o adaayito kitingazo bodo daayiza ku? Ka kanyayit bodo niigi eleeti ci eel ku?” ³⁶ Ma eeti ci ajin zɔɔz ci abil noko o tarbal niini ɔɔɔt. Eeci agayu niiga mā aduku dowo, adaai rak, ma vurma udunta ni. ³⁷ Ma dowo ci goon aduku niiga o, ma een labi, karabonŋ een dowo ci kaal oogi, olla dowo doon. Ŋaan rak kanyayit niigi kaŋaya kiyo tiŋeere ma udunta e. ³⁸ Bar zin anyek Jooi dowo kudunta kanyayit eleeti eo arɔɔŋi niini, ma anyek goon dowoc co ele ci agano ki nɔɔɔ.

³⁹ Ma eleeti ci kaal ci arogi loota ŋina noko dook aŋɔɔwɔ. Awo ele ci eet ci deer doon. Awo ele ci kelegto doon. Awo ele ci kibaalico doon. Awo ele ci kulugto doon. ⁴⁰ Anyak kaala o eel tammu tadena eleeti cigeec doon. Ma anyak kaala ci eel loota o eleeti cigeec doon. Ma linati ci kaal ci eel tamma e aŋɔɔwɔ kibeen linat ci kaal ci eel loota o. ⁴¹ Anyak ii linat cin doon. Anyak nyelɔyi linat cin doon. Anyak monyonya linat cineeŋ doon. Bodo buk monyonya niigi alya aŋɔɔwɔ linata, anyak goon ceeni linat cin doon.

⁴² Mazin gɔl nici atobo ki eleeti ci ol ci deer katin ma iŋaaz daayiza. Ma adaai eeti ci deer, ook ele cine loocu noko izi neen kiyo dowoc o adowe o. Mazi itihawi Jooi eet ci deer daayiza alye ci colai, urugun niini izi neen. ⁴³ Ma ada ol eet ci deer, alaŋ bodo ele cine o alina, ma buk alaŋ adoi. Mazi iŋaaz daayiza, alina niini ɔɔɔt, ma buk adoi kak. ⁴⁴ Ma adaai eeti, ada ol ele onin loocu ŋina. Mazi iŋaaz niini daayiza, anyonek nɔɔɔ ele o tammu tadenu, zin kiyo anyak niini ele ci looc nico o, anyak buk bodo tiŋeere niini ele ci tammu tadenu. ⁴⁵ Azi waragewi o Joowo ne, “Baale ɔɔwa e eenyca Jooi eet o kazi Adam, ma anyek nɔɔɔ roget.” Mazin bar Adam o katin aku vurma, niini vɔŋiz o aku ka kiiya kanyek ol korogit. ⁴⁶ Alaŋ zin rak kanyak naaga ɔɔwa eleeti o tammu tadenu. Bar kanyak rak eleeti o loocu. Ma vurma kanyayit ni eleeti o tammu tadenu. ⁴⁷ Baale eenycai Adam o oowu tɔdɔwaca loota ŋina, ma abaak niini baayiz ci eet o loocu. Maje Adam o vurma aku niini tammu tadenu. ⁴⁸ Mazin ol o loocu atobo niigi kibeen eet baal eenycai tɔdɔwaca e. Maje ol o tammu tadenu atobo niigi kibeen eet baal aku tammu tadenu. ⁴⁹ Zin kiyo katobo naaga kibeen eet baal eenycai tɔdɔwaca e o, buk katin iitene oman katobo bodo naaga kibeen eet baal aku tamma e.

⁵⁰ Dɔl o yaai, zɔɔz nici akati gi ci eleeti cigaac kanyak naaga loota ŋina noko akom nɔɔɔ ŋintineeŋ baliinte o Joowo. Eleeti ci loocu adaai noko akom nɔɔɔ ŋintineeŋ rogete o abil been neen.

^{51–52} Iziikto di juruŋ. Karoonŋ kuduwayuŋ gi ceen didi ŋaan laadun kagawe ce. Aŋorneke waanma looci iŋaan ol ogen ŋaatinai arogi noko. Enice mazi abee toromba o aŋorneke, anyoneket ageet dook eleeti ci colai enico ele kiyo abadi bɔɔye o. Ma iŋaaz ol baal adaayito e dook daayiza, ma anyonek buk nɔɔɔ dook eleeti ci colai. Ma alaŋ bodo naaga dook kadaai noko been neen. ⁵³ Zin eleeti cigaac kanyak ame noko, abon ookci kiziti eleeti calaŋ ame. Ma eleeti cigaac goon adaai noko, abon ookci kizi eleeti ci arogi noko been neen. ⁵⁴ Zin katin waanci akanan kaala nici, ma utuye eleeti ci goon adaai noko kizi eleeti cigaac arogi been neen, eleemnyai didi koca zɔɔz o ayeedi waragewe o Joowo azi ne, “Oŋorei daayizi. Omogun Jooi daayiz. ⁵⁵ Alaŋ bodo daayizi abada noko been neen. Okoma daayiz dɔyiz onin goon aruyi ol kadaayito.” ⁵⁶ Goon laadun naaga kadaai o, eeci kanyak oŋec. Ma oŋeci anyak dɔyiz ŋaatinai o, eeci eyeleyet lotinowa o Joowo ageet kagaac oŋeci niini gitaz. ⁵⁷ Abon zin naaga kanyek Jook zany, eeci anyet niini ageet dɔyiz ci kamogi daayiz ŋaaten Manyi ona Yesu Kiristo.

⁵⁸ Dɔl o yaai kareezuŋ, abon aruweku zɔɔ looc juruŋ calaŋ amoonu tuwenta. Emeda ilinŋiŋit linŋiŋon o Manyi Yesu tup, eeci agayu niiga linŋiŋonti ci alinŋiŋoneku niiga nɔɔɔ alaŋ een gi ci labak.

Guruc ci atiriti ol o tuwento gɔɔɔgi

16 ¹ Inoko zin giye ci akati guruc o ka itiriti ol o tuwento Jerusalema, abon agoonu niiga gi nico gole baal kaduwai ol o tuwento Galatiya e. ² Goon iinya o yubzento dook abon eeti ceeni ŋaatunooŋ aŋera guruc ci agano been guruc ogin ajowa. Anycek nɔɔɔ kiyay guruc nicoko. Utuguz noko ka iiten ci kakune kojowa guruc nicoko olotai odota. ³ Mazi kaka karumnyuŋ, ŋaan kayeedi warage, ma kitoon ol ci aŋeranu niiga kooti warage nico been guruc Jerusalema. ⁴ Mate kacin agano ŋaati kakɔye naana alya Jerusalema buk, ŋaan zin korkorya kibeen nɔɔɔ.

Kaal ci arɔɔŋ Pɔl kutugu

⁵ Inoko rak karoonŋ kook looce o kazi Masidoniya. Enice ŋaan kakunakuŋ. ⁶ Karoonŋ kook rak koromte kibeen igeet ŋinaante. Karabonŋ kaka kaave ŋaatunooŋ tagiz dook, zee mazi te kɔɔɔŋa weet, ŋaan zin enice atiritay kook ŋaati te karoonŋ kooyi o. ⁷ Alaŋ karoonŋ kook kicinuŋ igeet ŋaati olla kadiiryuŋ, ma kadicei. Bar karoonŋ kɔɔk kɔmɔn rak ŋaatunooŋ ŋinti wun, mate aziinŋekan Manyi Yesu kutugu noko. ⁸ Maje rak inoko o karoonŋ kaavu Evesosa ŋaato zee ma aku iiteni o kazi Pintikos. ⁹ Eeci kanyei waji ci appe ŋaato ka rak kilinŋiŋi linŋiŋon o Joowo, mayo nuun amarninan ol ci meelik o.

¹⁰ Mā akunakuŋ Timozi igeet ŋinaante, atalta nɔɔɔ juruŋ, eeci alinŋiŋ buk niini linŋiŋon o Manyi Yesu Kiristo kiyo naana o. ¹¹ Akom ŋaatunooŋ eet ci ka kepez nɔɔɔ, bar abon atiritu niiga nɔɔɔ keronnye cin o juruŋ, ka katalɔ zee ma abadakan aneet ŋaato. Naana ŋaato kare nɔɔɔ kibeen gɔɔɔgi o orkor been nɔɔɔ.

¹² Inoko zin giye ci akati Apolos ween gɔtɔna ona tuwenta, kilalei goon nɔɔɔ tup ka waan korkorit niini been ol o tuwento oogi kɔɔt kicinuŋ igeet. Bar zin ŋaan rak inoko kɔɔɔŋ weet ci akunakuŋ igeet. Mā ajowa waji, ŋaan akunakuŋ.

Zɔɔz o Pɔl aŋorneke

¹³ Iziti zin vilile juruŋ. Uruktek zɔɔ looc tuwente unooŋ. Iziti moote. Abon adoŋnu kak. ¹⁴ Utuguz kaal dook reezonta.

¹⁵ Dɔl o yaai, agayu ri niiga zɔɔz o Istavanas been ol o tatok onin. Niigi ol baal laadun atu Yesu Kiristo ɔɔwa looce unooŋ kazi Akaya e neen. Ma arek niigi zinzeeti ugeecik dook linŋiŋon ci ka kitiriti ol o tuwento. ¹⁶ Kilalekuŋ zin naana igeet ka iziyyit ol ci eel kiyo niigi o. Ma abon buk aziinŋu niiga ol dook o alinŋiŋ kibeen nɔɔɔ.

¹⁷ Katalne naana ɔɔɔt ele, eeci Istavanas ki Vortunatas been Akayakus ivitayan aneeta ŋaato, ma ivita anycan niigi aneet katalɔ, eeci iiten baale alaŋ katalne giye o eeginu niiga reene. ¹⁸ Anycan zin niigi aneet katalɔ, kiyo buk goon anyuŋ niigi igeet atalto o. Ma ol ci eel noko, abon atitinyu niiga nɔɔɔ ɔɔɔt.

¹⁹ Azaayuj zin ol o tuwento dook looce o kazi Asiya qaato. Buk Akila been Parsila kibeem ol o tuwento goon avo adiñdiñan Jook ole uneej azaayuj igeet oroot zaare o Manyi Yesu. ²⁰ Buk ol o tuwento dook qaato azaayuj igeet. Azaayuj zin buk goon niiga maany reezonta eo ol o tuwento.

²¹ Kayeedi zoosok ci kazaayuj noko naana Pol aziite onan maany.

²² Ma anyak eet calañ areez Manyi Yesu Kiristo, aavi toriin qaatin.

Ija zin kataman Manyi onaan.

²³ Abon bai deteni o Manyi ona Yesu Kiristo aavi qaatunoon.

²⁴ Kazaayuj zin reezinte ci ziniz onan igeet dook o oromtozeyu Yesu Kiristo. Noono neen.